

文獻通考


三百三十四之六

百十五

四裔

西戎

西域



庫文閣内			
五	二		漢
五	四		
函	一		
九	〇	〇	書
架	冊	號	類

庫文閣内			
二	二		漢
九	四		
函	一		
四	〇	〇	書
架	冊	號	類

内閣文庫			
番號	漢	2430	
冊數	120 (116)		
函號	294	3	



糊などで貼り付けられている部分がめくれない箇所あり

文獻通考卷之三百三十四

列裔考

鄯陽 馬端臨 貴與 著

葱苾羌

燉煌西西域之南山中從姑羌姑而西至葱嶺數千

里有月氏餘種葱苾羌白馬黃牛羌各有酋豪北與

諸國接不知其道里廣狹傳聞黃牛羌種類孕身六

月生南與白馬羌鄰並魏時聞焉



吐谷渾

吐谷渾本遼東鮮卑也西晉時酋帥徒何涉歸有二

文獻通考卷

之二百三十四


藝文類聚



裔考

葱茈羌

鄯陽馬端臨貴與著



燉煌西西域之南山中從媯羌媯而西至葱嶺數千里

有月氏餘種葱茈羌白馬黃牛羌各有酋豪北與

諸國接不知其道里廣狹傳聞黃牛羌種類孕身六

月生南與白馬羌鄰並魏時聞焉

吐谷渾

吐谷渾本遼東鮮卑也西晉時酋帥徒何涉歸有二

吐谷渾

卷之三十四

子長曰吐谷渾少曰若洛廆胡罪反代統部落別爲慕

容氏渾廆長廆正嫡父在時分七百戶與渾渾與廆

二部俱牧馬馬鬪相傷廆怒遣使謂渾曰先公處分

與兄弟異部牧馬何不相遠而令馬鬪渾曰馬是畜

生食草飲水春氣發動所以致鬪鬪在於馬而怒於

人耶乖別甚易今當去汝於萬里之外矣於是擁馬

西行乃西附陰山今朔方之北屬永嘉之亂始度隴西止

於枹罕而後子孫據有甘松之南洮水之西南極於

白蘭在益州西北甘松山在今交州郡境今臨洮政郡之南及合川郡之地其地

四時常有冰雪唯六七月雨雹甚盛若晴則風飄沙礫

有麥無穀其青海周迴千餘里海中有小山每冬冰

合後以良牝馬置此山至來冬收之馬有孕所生得

駒號曰龍種吐谷渾嘗得波斯草馬放入馬因生駒

駒能行千里故時稱青海駒焉至其孫葉延以禮云

公孫之子得以王父字爲氏五祖始自昌黎先宅於

此今以吐谷渾爲氏尊祖之義也自吐谷渾至葉延

曾孫視羆皆有才略知古今司馬博士皆用儒生至

其子阿豺自號車騎將軍河州刺史部內有黃沙周

回數百里不生草木因號沙州阿豺兼并氏羌地方

數千里號強國昇西強山觀犂江源問於郡寮曰此

水流更有何名。由何郡國入。何水也。其長吏曾和曰。此水經仇池。過晉壽。出宕渠。始號墊江。至巴郡入江。渡廣陵會于海。阿豺曰。水尚知歸吾。雖塞表小國而獨無所歸乎。乃遣使南通宋。獻方物。宋少帝封爲澆河公。文帝元嘉中。又加朝命。遣使入朝貢。阿豺有子二十人。病謂其母弟慕利延取箭一隻折之。慕延折之。復命取十九箭折之。慕延不能折。阿豺曰。汝曹知不單者易折。衆則難摧。戮力一心。社稷可固。旣卒。弟慕瓚立。遣軍擊乞伏茂。蔓敗之。茂音戎東奔隴右。慕瓚據有其地。其時赫連定據長安。爲後魏主所攻。敗擁

秦雍戶口十餘萬。西次罕开。慕瓚拒擊大破之。生擒定。送於魏。後弟慕延立。魏大武帝遣軍擊延。大破之。慕延率部落西奔白蘭。攻破于闐國。南依罽賓。七年。乃還舊土。慕延歿。阿豺兄樹洛于子拾寅立。始邑于伏羅川。王孫夸呂立。自號爲可汗。理伏侯城。在青海西十五里。有地方數千里。其西北諸雜種謂之阿貴虜。貴卽移反其南界隴涸城。去成都千餘里。大戎有四。一在清水川。一在赤水。一在澆河。一在吐窟真川。皆子弟所理。其土理慕賀川。西有黃沙。南北百二十里。東西七十里。不生草木。雖有城郭。不居而隨。逐水草。宮有

王公僕射尚書及郎中之號其主椎真追髻以皂為

帽其妻衣織成裙披錦袍辦髻於後首戴金花丈夫

衣服略同於華夏多以纂羅為冠亦以繒為帽婦人

皆負珠束髮以多為貴兵器有弓刀甲稍國無常賦

湏則稅富室商人以充用焉父兄亡妻後母及嫂等

與北狄俗同死者亦皆埋殯其服制葬訖則除之性

貪婪忍於殺害後周明帝武成初夸呂寇涼州詔賀

蘭祥率兵討破之又攻拔其洮陽况和二城置洮州

今臨洮郡地而還武帝天和初其龍涸王莫昌率眾降以

其地為扶州今同昌郡地二年復遣皇太子征之軍度青

海至伏侯城夸呂遁走虜其餘眾而還隋開皇中夸

呂侵孔州在今安化郡馬嶺縣界遣上柱國元諧擊之賊悉發

國中兵自曼頭至於樹敦甲騎不絕諧頻擊破之夸

呂率其親兵遠遁其名王十三人各率部落而降夸

呂在位且百年歿以後還以慕容為姓其子伏允立

煬帝初伏允遣子順來朝帝令鐵勒襲大敗之伏允

東走保西平今西平郡帝復令觀德王雄以掩之大敗其

眾伏允遁逃部落來降十萬餘口伏允懼南遁於山

谷間其故地皆空自西平臨羌城以西且末以東祁

連以南雪山以北東西四千里南北二千里皆為隋有

置郡縣鎮戍發天下輕罪徙居之

其地在今西平郡之西張掖酒泉郡

之北隋戍置西海且木河源等郡

於是留順不之遣伏允無以自資

率其徒數千騎客於党項大業末天下亂伏允及順

復其故地唐武德初順以兵助繫李軌自號為大寧

王太宗時遣使入朝未還即寇鄯州又掠岷州寇涼

州乃命段志玄等討之得牛羊二萬還九年復命李

靖侯君集等擊之伏允遠遁為左右所殺子順降於

是重建其國封順為西平郡王仍加趙巨屈胡呂烏

可汗之號旋又為其下所殺十年立順子諾易鋒為

河源郡王主其國自是衰弱而吐蕃強盛與相攻俱

來請師詔不許遣大將軍蘇安定為安集大使平兩

國怨後吐蕃遂有其地咸亨元年以薛仁貴郭待封

等總兵五萬討吐蕃且納諾易鋒於故廷諾易鋒易鋒之子

王師敗於大非川舉吐谷渾地皆陷諾鉢與親近數

千帳纔免三年乃徙浩疊水南諾易鉢以吐蕃盛勢

不抗而鄯州地狹又徙靈州帝為置安樂州即拜刺

史欲其安且樂云諾易鉢歿子忠立忠歿子宣超立

聖曆三年拜左豹韜負外大將軍襲故可汗號餘部

詣涼甘肅瓜沙等州降宰相張錫與石武衛大將軍

唐休璟議徙其人於秦隴豐靈間令不得畔去涼州

都督郭元振。以爲吐谷渾近秦隴。則與監牧雜處。置豐靈。又邈默。假在諸華。亦不遽移其怪也。前日王孝傑自河源軍徙耽爾乙句貴。置靈州。旣而叛。乃入牧坊掠群馬。癡夷州縣。是則遷中土無益之成。驗往素和貴叛去。於我無損。但失吐谷渾數十部。豈與句貴比邪。今降虜非疆服。皆突矢刃。棄吐蕃而來。宜當循其情爲之制也。嘗二肅瓜沙降者。卽其所置之。因所投而居。情易安。磔數州而勢自分。順其情分其勢。不擾於人。可謂善奪戎心者也。歲遣鎮遏使者。與宣超兄弟撫護之。無令相侵。奪生業固矣。有如叛去。無

損中國。詔可。宣超歿。子曦皓立。曦皓歿。子兆立。吐蕃復取安樂州。而殘部徙朔方。河東語謬爲退渾。貞元十四年。以朔方節度副使。左金吾衛大將軍慕容復爲長樂都督。青海國王襲可汗號。復歿。停襲。吐谷渾自晉永嘉時有國。至龍朔三年。吐蕃取其地。凡三百五十年。及此封嗣絕矣。

乙弗敵

乙弗敵。後魏聞焉。在吐谷渾北。國有屈海。其海周迴千餘里。衆有萬落。風俗與吐谷渾同。然不食五穀。唯食魚與蘇子。蘇子狀如中國苟杞子。或赤或黑。西有

契翰一部。風俗亦同。土特多狼。白蘭山西北又有可
蘭國。風俗亦同。目不識五色。耳不聞五聲。是夷蠻戎
狄之中醜類也。土無所出。直大養群畜。而戶落亦可
萬餘人。頑弱不知鬪戰。忽見異人。舉國便走。性如野
獸。體輕工走。逐不可得。

宕昌

宕昌羌。後魏時興焉。亦三苗之胤。與先零燒當罕开
諸部姓別。自立酋帥。皆有地分。不相統攝。宕昌卽其
一也。俗皆亡著。居有棟宇。其屋織毳牛尾及殺羊毛
覆之。無法令。又無徭賦。唯征伐之時。乃相屯聚。不然

則各事生業。不相來往。皆衣裘褐。牧養羴牛羊豕。以
供其食。俗有蒸報無文字。但取木榮落以記歲時。三
年一相聚。殺牛羊以祭天。俗重虎皮。以之送死。有梁
勤者。代爲酋帥。得羗豪心。乃自稱王。其界自仇池以
西。東西千里。席水以南。南北八百里。仇池山在同谷
郡。上祿席水在
今天水
上邽縣地多山阜。部衆二萬餘。落至其孫彌念始遣
使於後魏。大武帝拜爲宕昌王。七葉孫彌秦皆受南
北兩朝封爵。宋齊梁及魏
並各羈靡之後見兩魏分隔。永熙末。種
人企定乃引吐谷渾寇金城。今郡後企定弟彌定寇
石門戍。周武帝大和初。詔大將軍田弘討平之。以其

地爲宕州今懷道郡

入金鄧至

鄧至羗之別種也。後魏時興焉。有像舒理者。代爲白

水酋帥。因地名爲號。鄧至王其地。自千亭以東。平武

以西。汶嶺以北。宕昌以南。今懷道郡之南通北郡之北。文川臨翼同昌郡之地也。

風土習俗。與宕昌同。自舒理至十代孫舒彭。附于

後魏。孝文帝封其松縣子鄧至王。宋文帝及武帝時

俱遣使南來修貢。受其官爵。後數代。西魏恭帝初。其

主捨術。因亂來奔。周文帝遣兵送還。自後無聞。鄧至

之西。有赫羊國。初其部內有一羊形。甚大。至鮮赤。故

爲國名。又有東亭衛。大赤水。寒巖石。河薄陵。下習峯

驪單等諸羗。國風俗麤獷。與鄧至國不同。魏時遣使

貢獻。皆假以雜號。將軍子男。巨帥之名。

党項

党項羗。三苗之後。在古析支之地。漢西羗之別種。有

宕昌。白狼。皆自稱獼猴種。魏晉以降。西羗微弱。周滅

宕昌。鄧至之後。党項始強。有佃封氏。費聽氏。往利氏。

頗超氏。野律氏。房當氏。米禽氏。拓跋氏。而拓跋最爲

強族。其人多壽。年至百五六十歲。其地東接臨洮。西

平。西拒葉護。南北數千里。處山谷間。每名別爲部落。

大者五千餘騎。小者千餘騎。織鼈牛尾及牯羸毛爲屋服裘褐。披氈爲上飾。俗尚武力。無法令。各爲生業。有戰陣則屯聚。無徭役不相往來。養犂牛羊豬以供食。不知稼穡。其俗淫穢。蒸報於諸夷中爲甚。無文字。但候草木以記歲時。三年一聚會。殺牛羊以祭天人。年八十以上歿者以爲令終。親戚不哭。少者歿則爲天枉。共悲哭之。有琵琶橫吹。擊缶爲節。魏周之際。數來擾邊。隋文帝爲丞相時。中原多故。因此大爲寇落。蔣公梁睿旣平。王謙請因還師討之。開皇元年有千餘家歸化。五年拓跋寧叢等各率衆詣旭州內附。授大將軍。其部下各有等差。十六年復寇會州。詔發隴西兵討之。大破其衆。人相率降。遣子弟入謝罪。帝謂曰。還語爾父兄。人生須有定居。養老幼。乃乍還乍走。不羞鄉里邪。自是朝貢不絕。唐貞觀三年。其酋細封步賴舉部降。以其地爲軌州。卽授步賴刺史。其後諸酋悉內屬。以其地爲岷奉嚴遠四州。卽首領拜刺史。其後拓跋赤辭等。又舉部降。以其地爲懿嗟麟可三十二州。以松州爲督府。擢赤西戎州都督。賜姓李。貢職不絕。於是自河首積石山而東。皆爲中國地。後吐蕃浸盛。拓跋畏偁請內徙。始詔慶州置靜邊等處之地。

乃入吐蕃其處者皆爲吐蕃役屬更號弭藥至德末
爲吐蕃所誘使爲鄉導寇邊俄悔悟來朝乾元間中
國數亂因寇邠寧二州肅宗詔郭子儀杜冕桑如珪
分二隊討之子儀至党項潰去上元元年在涇隴部
落十萬衆詣鳳翔節度使崔光遠降二年與渾奴刺
連和寇寶鷄殺吏民掠財珍焚大散關入鳳州殺刺
史蕭悅節度使李鼎追擊走之明年又攻梁州刺史
李勉走進寇奉天大掠華原同官去詔臧希讓代勉
爲刺史於是歸順乾封歸義順化和寧和義保善寧
定羅雲朝鳳凡十州部落詣希讓獻款丐節印詔可

僕固懷恩之叛誘党項渾奴刺入寇衆數萬掠鳳翔
盤屋大酋鄭廷郝德入同州刺史韋勝走節度使周
智光破之登城閏月又入同州焚宮私室廬壁馬蘭
山郭子儀遣兵襲之退保三堡子儀追慕容休明諭
降廷德子儀以党項吐谷渾部落散處鹽慶等州其
地與吐蕃濱近易相脅卽表徙靜邊州都督夏州樂
容等六府党項于銀州之北夏州之東寧朔州吐谷
渾注夏西以離沮之召靜邊州大首領左羽林大將
軍拓跋朝光等五刺史入朝厚賜資使還綏其部先
是慶州有破丑氏族三野利氏族五把利氏族一與

亡暮姻援贊普悉正之。因是擾邊凡十年。子儀表工部尚書路嗣恭爲朔方留後。將作少監梁進用爲押党項部落使。置行慶州。且言党項陰結吐蕃爲變。可遣使者招慰。芟其反謀。因令進用爲慶州刺史。嚴邏以絕吐蕃往來道。代宗然之。又表置靜邊。芳池相與三州都督長史。永平旭寧清寧寧保忠順靜塞萬吉等七州都督府。於是破丑野利把利三部。及思樂州刺史拓拔乞悔等皆入朝。宜定州刺史折磨布落芳池州野利部。並徙綏延州。大曆宋野利禿羅都與吐蕃叛。招餘族不應。子儀擊之。斬禿羅都。而野利景庭

野利剛。以其部數千人入附。雞子川六州部落曰野利越詩。野利龍兒。野利厥律兒。黃野海野宰等。居慶州者。號東山部。夏州者。號平夏部。永泰後稍徙石州。後爲永安將阿使那思。陳賦索無極。遂亡走河西。元和時。復置宥州。護党項。至大和中。浸強。數寇掠。然噐械鈍。苦畏唐兵。精則以善馬購鎧。善羊貨。弓矢。鄜坊道軍糧使李石表。禁商人不得以旗幟甲冑五兵入部落。告者舉罪人。財畀之。至開成末。種落愈繁。富賈人。齎繒寶鬻羊馬。藩鎮乘其利。強市之。或不得直。部人怨。相率爲亂。至靈鹽道不通。武宗遣使招之。功不

就宣宗大中四年內掠邠寧。詔鳳翔李業河東李拭合節度兵討之。羌乃破殄餘種窟南山。後唐同光二年其首領薄香來貢良馬。天成二年河西党項如連山等來朝共進馬四十疋。宰相奏党項之衆競赴都下賣馬。常賜食禁廷醉則連袂歌。其土風凡將到馬無駑良。並云上進國家。雖約價直以給之。而計其館給賜資。不啻倍價耗蠹國用。請止之。上以爲國家常苦馬不足。今番官自來中國。錫賜乃朝廷常事。不足言費。自是番部羊馬不絕於路。長興元年二年俱入貢。授其首領以官。三年以西路党項部族劫掠使臣

及外域進奉。詔邠州節度使藥彥稠等率步騎七千討之。誅其二十族七百餘人。獲其大首領六人。黨類二千人。馳馬牛羊數千計。周廣順二年以府州党項泥也等之族大首領爲德將軍。宋時靈夏綏麟府環慶豐州振戎天德振武軍並其族帳。建隆二年代州刺史折也埋來朝也。埋党項之大姓也。世居河右。有捍邊之功。故授以方州。召令入覲而遣還。開寶元年直蕩族首領啜佶等引并人入寇府州。爲王師所敗。招降之。太平興國六年七年府州豐州党項族首領俱來貢。雍熙初諸族渠帥附李繼遷爲寇。詔判四方館

事田仁節及閣門使王侁等相繼領兵討擊并賜麟
府夏銀豐州及日利月利族。敕書招諭之。二年四月
侁等於銀州北破悉利諸族斬首三千六百餘級生
擒八十人俘蕃漢老小一千四百餘口。噐甲一百八
十六梟僞署代州刺史折羅遇并弟埋乞獲馬牛羊
三萬級。五月又於開光谷西杏子平破保寺保杏族
追奔二十餘里斬首八百餘級梟其首領埋乞等
五十七人。生擒四十九人。係其老小三百餘人。獲牛
羊馬驢凡四千餘計。又破保洗兩族俘三千人。降五
十五族。獲牛羊八千計。誅等麟州及三族寨羌人二

千餘族皆降。番官折軍七等六十四人獻馬首罪。願
改圖自効。爲國討賊遂與部下兵濁輪川斬賊首五
十級。酋豪二十人。李繼遷及三族寨監押折御也皆
遁去。命內客省使郭守文自三交乘驛亟往與王侁
等同領邊事。其後侁等又破銀州浪悉訛等族。及夏
州及伽羅膩等族。又招降銀麟夏等州三族寨諸番
一百二十五族。合萬六千一百八十九戶。乃賜勅書
以安撫之。端拱二年夏州趙忠言準詔市馬已獲三
百疋。其宥州御泥布等族黨附繼遷不肯賣馬。臣已
領兵掩殺二百餘人。擒百餘人。其族卽降。詔書撫諭

之四年。鄭文寶獻議禁青鹽。番族四十四首領引騎萬三千人入寇環州石昌鎮。知環州程德言等擊走之。因詔弛鹽禁。由是部族寧息。自是朝貢不絕。言其首領賜錦袍銀帶茶綵以撫慰之。景德元年。麟府路言附契丹。戎人言泥族拔黃太尉率三百餘帳內屬。拔黃本大族居黃河北古豐州前。數犯邊阻市馬之路。其首領勇黠難制。契丹結之。署爲太尉。令悉衆款塞。詔府州厚賜茶綵。給公田。依險居之。計口賦粟。毋得侵擾。三年。府州折堆昌言兀泥族大首領各崖從父盛佑族爲趙德明白池軍主。密遣使來諭。各崖云德明雖外託脩貢之明。而黠閱兵馬尤急。恐必劫掠山界。各崖以告。上嘉之。降詔撫諭。就賜錦袍銀帶。十一月。鎮戎軍曹瑋言。叛去蕃官蘇尚娘復來歸。附詔報瑋曰。尚娘反覆無信。特恐狙詐以誤邊吏。又使德明緣此爲詞。不可納也。自後訖天禧之末。番族來歸朝貢者不絕。每加拊慰。或補官賜器幣。羈縻之恩有加焉。

白蘭

白蘭羌之別種。東北接吐谷渾。西至叱利摸徒南界。郡鄂風俗物產與宕昌同。周武帝保定元年。朝獻使

至有勝兵萬人。勇於戰鬪。唐武德二年。使者入朝。以其地爲維維恭二州。貞觀六年。與契苾數十萬內屬。永徽時。特浪生羌卜樓大首領。凍就率衆來屬。以其地爲劔州。龍朔後。白蘭春桑及白狗羌爲吐蕃所臣。藉其兵爲前驅。白狗與東會州接勝兵纔千人。在西北者。天授中內附。戶凡二十萬。以其地爲朝吳浮十州。散居靈夏間。

吐蕃

吐蕃在吐谷渾西南。不知有國之所由。或云禿髮利鹿孤有子樊尼。其主僭禮爲乞伏熾盤所滅。樊尼率

餘種依沮渠蒙遜。其後子孫西魏時爲臨松郡丞。張

掖郡張掖縣界與主薄皆得衆心。因魏末中華擾亂。招撫群

羌。日以強大。遂改姓爲宰。蘇骨反勃野至今。故其人號

其主曰贊府。貴臣曰主簿。又或云始祖贊普自言天

神所生。號鶻堤悉補野。因以爲姓。宰教野與悉補野言兆其實一也。或

云木姓奔蘇農地其國出都城五百里。過烏海入吐谷渾部

落。彌多彌蘇毗及白蘭等國。至吐蕃界。其國風雨雷

電。每隔日有之。盛夏節氣如中國。暮春之月。山有積

雪地。冷瘴令人氣急。不甚爲害。其俗重漢繒而貴瑟

琴。男女用爲首飾。其君長或在跋布川。或居邏婆川。

女南通考 卷之三十三 十四
有小城而不居。坐大氊帳。張大拂廬。其下可容數百人。兵衛極嚴。而衙府甚狹。俗養牛羊。取乳酪供食。兼取毛爲褐而衣焉。不食驢馬肉。以麥爲麩。人歿殺牛馬以殉。取牛馬積累於墓上。其墓正方。累石爲之。狀若平頭屋。其臣與君自爲友。號曰共命人。其數不過五人。君歿之日。共命人皆日夜縱酒。葬日於脚下。針血盡乃歿。便以殉葬。又有親信人。用刀當腦縫。鋸亦有將四尺木。大如指刺。兩肋下。歿者十有四五亦殉葬焉。設官父歿子代。絕嗣卽近親襲焉。非其種類。輒不相伏。其官章飾有五等。一謂琴瑟。二謂金。三謂金。

銀。上四謂銀。五謂熟銅。各以方圓三十褐上裝之。安膊前。以辨貴賤。法令嚴肅。兵器有弓刀楯。稍甲冑。每戰前隊皆歿。後隊方進。人馬俱披鎧子甲。其制甚精。周體皆遍。唯開兩眼。非勁弓利刀之所能傷也。其戰必下馬。列行而陣。歿則遞收之。終不肯退。槍細而長於中國者。弓矢弱而甲堅。人皆用劍。不戰亦負劍而行。其驛以鐵箭爲契。其箭長七寸。若急驛。膊前加著一銀鵠。有草名速古。芒葉長二寸。狀若斜蒿。有鼠尾長於常鼠。其國禁殺者。加其罪。有可跋海去赤嶺。百里。方圓七十里。東南流入蠻。與蠻西二河合流。而

東號為漾鼻水。又東南出會川為瀘水。馬自赤嶺至
 邏婆川絕無大樹木。唯有楊柳。人以為資。置大論以
 統理國事。無文字。刻木結繩為約。徵兵用金箭。寇至
 舉燧。與其臣下一年一小盟。用羊狗三年一大盟。用
馬牛以麥熟為歲首。其國都號為邏婆城。用法嚴整。
 議事則自下而起。因人所利而行之。此其所以能強
 且久也。重壯賤老。母拜於子。重兵。歿惡病終。以累代
 戰歿者為甲門。陣奔北者懸狐尾於其首。表其以
 狐之怯。其贊普弄贊雄霸西域。隋開皇中。其主論贊
 索弄贊都犍。西疋播城。已五十年。美國界西南與

婆羅門接。自唐初有勝兵數十萬。號為疆國。男女皆
 辮髮。氊裘。以赭塗面。無器物。以手捧酒而飲之。屈木
 令圓。以皮作底。就中而食。俗多金。及小馬。党項。白蘭
 諸部。及吐谷渾。西域諸國咸畏懼之。至其主棄蘇農
 贊貞觀十五年正月。以宗室女封文成公主。降于吐
 蕃。贊普命禮部尚書江夏王道宗送之。弄贊親迎于
 河源。見王執子壻禮甚謹。歎大國服飾禮義之美。俯
 仰有愧沮之色。謂所親曰。我祖父未有通婚大國者。
 今我得尚大唐公主。當築一城以誇後代。仍遣酋豪
 子弟請入國學。以習詩書。至高宗初。封寶王。蘇農歿

其子早卒以孫代立號乞黎拔布幼小大相祿東贊攝知國事總章中以兵臨吐谷渾吐谷渾告急咸亨中高宗令將軍薛仁貴郭待封等率衆十餘萬伐之至大非川爲大論欽陵所敗因遂滅吐谷渾欽陵姓薛氏其父祿東贊婆曉兵術吐蕃贊府以國事委之講兵訓師雅有節制吐蕃之并兼諸羗雄霸西土東贊有力焉有子五人及東贊歿欽陵兄弟復專其國上元中寇鄯廓等州儀鳳三年遣工部尚書劉審禮爲洮河軍總管率兵十八萬以討之戰于青海軍敗沒於陣凋露二年中書令李敬玄戰于大非川又敗

績續遣黑齒常之襲擊破之武太后如意初武曩軍總管王孝傑大破吐蕃復龜茲于闐踈勒碎葉四鎮至萬歲通天初又寇涼州執都督許欽明欽陵兄弟有才略欽陵多居中諸弟分鎮方面諸蕃憚之二年吐蕃大論欽陵遣使請和武太后遣前梓州通泉縣尉郭元振徃至野狐河與陵遇元振曰東贊事朝廷誓好無窮今自猥絕歲擾邊父通之子絕之孝乎父事之子叛之忠乎陵謝曰天子許和罷兩國戍守以便百姓豈不休哉然以西十姓突厥四鎮諸國或時附蕃或時附漢斯類皆多番覆乞聖恩拔去鎮守分

離屬國多建君長使自爲守既不款漢又不屬蕃人
免憂虞荒陬幸甚元振曰唐以十姓四鎮撫西土爲
列國主道非有他且諸部與吐蕃異久爲唐編人矣
欽陵曰使者意我規削諸部爲唐邊患邪我若貪土
地財賦彼青海湟川近矣今捨不爭何哉突厥諸部
磧漠廣莽去中國遠甚安有爭地萬里外邪且四夷
唐皆臣并之雖海外地際靡不磨滅吐蕃適獨在者
徒以兄弟小心得相保耳十姓五咄陸近安西於吐
蕃遠俟斤距我裁一磧騎士騰突不易旬至是以爲
憂也烏海黃河關源阻與多厲毒唐必不能入則弱

甲屬將易以爲蕃患故我欲得之非闕諸部也其涼
距積石道二千里其廣不數百狹纔百里我若出張
掖玉門使大國春不耕秋不獲不五六年可斷其右
今棄不爲亦無虞於我矣青海之役黃仁素約和邊
守不戒崔知辯徑俟斤掠我牛羊萬計是以求之使
使者固請元振固言不可許后從之欽陵專國久常
居中制事諸弟皆領方面兵而贊婆專東境幾三十
年爲邊患兄弟皆才略沈雄衆憚之贊普子器弩悉
弄旣長欲自得國漸不平乃與大臣論巖等圖去之
欽陵方提兵居外贊普託言獵卽勒兵執其親黨二

千餘人殺之發使者召欽陵贊婆欽陵不受命贊普
自討未戰欽陵兵潰乃自殺左右殉而死者百餘人
贊婆以所部及兄子莽布支等款塞遣羽林飛騎迎
勞贊婆特進輔國大將軍歸德郡王莽布支左羽林
大將軍安國公皆賜鐵券禮慰良厚贊婆卽領部兵
戍河源死贈安西大都護又遣左肅政臺御史大夫
魏元忠爲隴右諸軍大總管率隴右諸軍大使唐休
璟出討方虜攻涼州休璟擊之斬首二千級於是論
彌薩來朝請和贊普自將萬騎攻悉州都督陳大慈
四戰皆克明年乃獻馬黃金求昏而虜南屬帳皆叛

贊普自討歿于軍諸子爭立國人立棄隸踏贊爲贊
普始七歲使者來告喪且求盟又使大臣悉董熱固
求昏未報會監察御史李知古建討姚州蠻削吐蕃
向導詔發劔南募士擊之蠻酋以情輸虜殺知古尸
以祭天進攻蜀漢詔靈武監軍右臺御史唐九徵爲
姚嵩道討擊使率兵擊之虜以鐵絙梁漾漚二水通
西洱蠻築城戍之九徵毀絙夷城建鐵柱於滇池以
勒功中宗景龍二年還其昏明年遣使入貢可敦又
遣宗俄請昏帝以雍王守禮女爲金城公主妻之賜
主錦繒雜伎甚厚公主至吐蕃自築城以居拜楊矩

爲鄯州都督吐蕃雖外和而陰銜怒卽厚餉矩請河
西九曲爲公主湯沐矩表與其地九曲者水甘草良
宜畜牧近與唐接自是虜益張雄易入寇玄宗開元
二年其相牟達廷上書宰相乞載盟文定境於河源
帝令姚崇等報書命解琬持神龍誓書吐蕃亦遣其
臣來未幾而以兵十萬寇臨洮入攻蘭涇掠監馬楊
矩懼自殺詔薛訥王暖等討之斬首萬七千獲羊馬
無慮二十萬又戰長子虜大敗相枕籍歿洮水爲之
不流宰相建言吐蕃本以河爲境以公主故乃橋河
築城置獨山九曲二軍距積石二百里今旣負約請

毀橋復守河如約詔可遣左驍衛郎將尉遲環使吐
蕃慰安公主然小小入犯邊無閑歲於是郭知運王
君奭相繼節度隴右河西以扞之吐蕃遣宋俄因子
到洮水祭戰歿士且請和然恃盛疆求與天子敵國
語悖傲使者至臨洮詔不內金城公主書求聽脩好
且言贊普君臣欲與天子共署誓刻吐蕃又遣使者
上書言孝和皇帝嘗賜盟是時唐宰相豆盧欽望魏
元忠李嶠紀處訥等凡二十二人及吐蕃君臣同誓
孝和皇帝崩太上皇嗣位脩睦如舊然唐宰相在誓
刻者皆歿今宰相不及前約故須再盟比使論乞力

等前後七輩往未蒙開許且張玄表李知古將兵侵
暴甥國故違誓而戰今舅許湔貸前惡歸於太和甥
既堅定然不重盟爲未信要待新誓也帝謂昔已和
親有成言尋前盟可矣不許復誓禮其使而遣之且
厚賜贄普自是歲朝貢不犯邊十年攻小敦律國其
王沒謹忙詒書北廷節度使張孝嵩曰勃律唐西門
失之則四方諸國皆隨吐蕃孝嵩乃遣步騎四千與
沒謹忙兵夾擊吐蕃敗之復九城故地勃律王來朝
置綏遠軍以扞吐蕃欲假道勃律以攻四鎮十四年
悉諾邏兵入大斗谷遂攻甘州隴右節度使王君奭

遣兵追躡之多所俘獲時中書令張說以吐蕃出入
勝負略相當甘涼河鄯之人調發困甚願聽其和帝
不從未幾悉諾邏等陷瓜州遂攻玉門軍安西副都
護趙頤貞擊却之乃命蕭嵩張守珪城瓜州屢破吐
蕃置振武軍獻俘於朝詔軍士掩戰能擒其王者授
大將軍士益奮吐蕃乃求和忠王友皇甫惟明等請
許之帝乃以書賜金城公主贄普大喜遣人隨使者
入朝表言甥以文成金城公主敢失禮乎曩特以冲
幼枉爲邊將讒亂如蒙澄亮歿且萬足千萬歲不敢
先負盟且獻怪寶上禮其使遣御史大夫崔琳報聘

吐蕃又請交馬於赤嶺互市於其松嶺宰相裴光庭
曰其松中國阻不如許赤嶺乃聽以赤嶺爲界表以
大碑刻約其上又請五經勅秘書寫賜并賜物萬計
吐蕃遣人謝明年又上寶器數百具制治詭殊其後
吐蕃西擊勃律勃律告急帝諭令罷兵不聽卒殘其
國於是崔希逸爲河西節度使鎮涼州故時疆畔皆
樹壁守捉希逸謂虜戍將乞力徐曰兩國約好而守
備不廢云何請皆罷以便人乞力徐曰公忠誠無不
可恐朝廷未皆信脫掩吾不備其可悔希逸固邀乃
許共刑白犬盟而後悉徹障壁虜蓄牧被野明年儼

史孫誨奏事妄言虜無備可取也帝采之詔內豎趙
惠琮其往按狀小人欲徼幸至涼州因共矯詔詔希
逸發兵襲破吐蕃青海上軒獲不貲乞力徐遁去吐
蕃恚不朝二十六年大入河西希逸拒破之希逸以
失信悒悒至歿誨亦坐事誅乃命蕭昊杜希望王昱
等分道經略碎赤嶺碑希望破吐蕃軍三萬昱以劔
南兵入攻安成城次蓬婆嶺吐蕃盡銳來攻昱大敗
士歿凡數萬吐蕃攻維州不得志遣使請和不許虜
乃悉衆四十萬攻承風堡滅希銳破之又襲廓州攻
振武軍皇甫惟明哥舒翰等破之俘其大酋是時吐

蕃與蠻閩羅鳳聯兵攻瀘南劔南節度使楊國忠方以姦罔上自言破蠻衆六萬於雲南拔故洪州等三城獻俘口哥舒翰破洪濟大莫門諸城收九曲故池列都縣實天寶十二載於是置神策軍於臨洮西澆河郡於積石西及宛秀軍以實河曲後二年蘇毗子悉諾邏來降封懷義王賜姓李氏蘇毗疆部也是歲贊普乞黎蘇籠臘贊歿子掌悉籠臘贊嗣遣使者修好詔京兆少尹崔光遠持節賫冊弔祠還而安祿山亂哥舒翰悉河隴兵東守潼關而諸將各以所鎮兵討難始號行營邊候空虛故吐蕃得乘隙暴掠至德

初取鶴州及威武等諸城入屯石堡其明年使使來請討賊且脩好肅宗遣給事中南巨川報聘然歲內侵取廓霸岷等州及河源莫門軍使數來請和帝雖審其譎姑務紓患乃詔宰相郭子義蕭華裴遵慶等與盟寶應元年陷臨洮取秦城渭等州明年使散騎常侍李之芳太子左庶子崔倫往聘吐蕃留不遣破西山合水城明年入大震關取蘭河鄯洮等州於是隴右地盡亡進圍涇州入之降刺史高暉又破邠州入奉天剽元帥郭子儀禦之吐蕃以吐谷渾党項兵二十萬東略武功渭北行營將呂日將戰蓋屋西破

之。又戰終南。日將走代宗。幸陝。子儀退趨商州。導虜入長安。立廣武王承宏爲帝。改元。擅作赦令。署官吏。衣冠皆南奔。荆襄或逋棲山谷。亂兵因相攘鈔。道路梗閉。光祿卿殷仲卿率千人壁藍田。選二百騎渡淮。或始虜曰郭令公軍且來。吐蕃大震。會少將三甫與惡少年伐鼓譟死中虜。驚夜引去。子儀入長安。高暉東奔至潼關。守將李日越殺之。吐蕃留京師十五日。乃走。天子還京。吐蕃退圍鳳翔。節度使孫志直拒守。鎮西節度使馬璘以千騎戰却之。吐蕃屯原會。成渭間自如也。是歲南入松維保等州。夕雲山新籠城。明

年。還使人李之芳等劔南。嚴武破吐蕃南鄙。兵七萬。拔當狗城。會僕固懷恩反。自靈武遣兵將范志誠。任敷合吐蕃。吐谷渾兵攻邠州。白孝德郭晞嬰壘守。乃入居奉天。西子儀入奉天。按軍不戰。郭晞以銳士夜擣其營。斬首數千級。奪馬五百。取四將。吐蕃引去。是時嚴武拔監州。又戰西山。取其衆八萬。虜圍涼州。河西節度使楊志烈不能守。跳保甘州。而涼州亡。宋泰元年。吐蕃請和。詔宰相元載杜鴻漸與虜使者同盟。懷恩不得志。導虜與回紇。党項。羗。渾。奴。刺。犯邊。吐蕃大酋尚結息贊摩尚悉東贊摩尚悉東贊等衆二

十萬至醴泉奉天邠將白孝德不能抗拒敷以兵略
鳳翔盩厔於是京師戒嚴天子自率六軍屯于苑吐
蕃逼奉天使朔方兵馬使渾日進率勇士馳之左右
擊刺皆應絃什虜大驚乃夜攻其營斬千餘級又戰
馬嵬凡七日破賊萬人斬獲甚衆會懷恩歿虜謀無
主遂與回紇爭長回紇怒詣子儀請擊吐蕃自效子
儀許之使白元光合兵攻吐蕃於靈臺西大破之帝
乃班師永泰大曆間再遣使者來聘詔戶部尚書薛
景仙往報又詔宰相與吐蕃使者明俄寇靈州靈州
屯兵破之復掠邠州馬璘白元光等再破其衆天子

以虜數入塞詔治守障徙當悉柘靜恭五州皆據險
以守八年侵靈州進寇涇邠渾瑊與戰不利馬璘以
兵掩之郭子儀又破其衆十萬九年帝遣諫議大夫
吳損修好虜亦使使者入朝明年復攻臨涇隴州又
明年崔寧破其兵斬首萬級俘獲甚衆吐蕃不得志
入掠黎維於是劔南兵合南詔與戰破之禽其大酋
十三年虜以四萬騎寇靈州又合南詔衆二十萬攻
茂州路扶文遂侵黎維詔發幽州兵與戰大破之初
虜使數至留不遣所俘虜口悉部送江南德宗卽位
以歲與虜戰亡獲相償謀綏懷之遣太常少卿韋倫

持節歸其俘五百厚給衣楮切勅邊吏獲亭障無輒
侵虜地吐蕃始聞未信使者入境乃感畏時乞立贊
爲贊普卽發使者隨倫入朝又遣使獻方物明年殿
中少監崔漢衡往使贊普曰我與唐舅甥國詔書乃
用臣禮卑我又請雲州西盡賀蘭山爲吐蕃境且引
景龍詔書曰唐使至甥先與盟蕃使至舅亦將親盟
贊普曰其禮本均帝許之以獻爲進賜爲寄領或爲
領之并約地於賀蘭其大相尚悉結嗜殺人以劔南
之敗未報不助和議次相尚結贊有謀固請休兵贊
普卒用結贊爲大相乃講好約盟境上約唐地涇州

右盡彈箏峽隴州右極清水鳳州西盡同谷劔南盡
西山大度水吐蕃守鎮蘭涓原會西臨洮東成州抵
劔南西磨些三諸蠻大度水之西南盡大河北自新泉
軍抵大磧南極賀蘭橐駝嶺其間爲閑田二國所棄
戍地毋增兵毋創城堡毋耕邊田帝又命宰相尚書
與虜使盟長安朱泚之亂吐蕃請助討賊詔遣使持
節慰撫渾瑊用論莽羅兵破泚將韓旻於武亭川初
與虜約得長安以涇靈四川畀之會大疫虜輒引去
及泚平責舊約求地天子薄其勞第賜詔書償結贊
莽羅等帛萬匹於是虜以爲怨貞元二年虜犯涇隴

邠寧掠人畜敗田稼尚結贊屯上砦原遣使請盟李
晟遣部將王佖以銳兵三千入汧陽薄其中軍虜驚
潰走結贊僅自脫虜衆二萬侵鳳翔晟又擊却之又
攻鹽夏陷之天子以邊人殘沒下詔避殿自責詔駱
元光經略鹽夏虜得一州皆戍以兵乃自屯鳴沙然
饋餉數困於是駱元光韓游瓌濱塞而屯馬燧次石
州跨河相犄角結贊懼屢請盟天子不許乃厚賂乞
和於燧燧以爲請身入見天子結贊又使言若許盟
當以鹽夏還唐乃以渾瑊爲盟會使約盟平涼結贊
伏精騎三萬於西縱瑊等就幄虜三伐鼓衆譟而興

瑊遁得免副使崔漢衡等皆被執始結贊欲擒瑊等
擣虛入寇及見漢衡等坐帳中慢言渾瑊戰武功我
力也許裂地償我而自食其言吾旣作金枷必得瑊
以見贊普今失之徒致公等無益也虜戍鹽夏涉春
疫大興皆思歸乃火其廬舍頽郭堞而去結贊歸漢
衡等而却其使結贊乃以兵犯鳳翔入寶雞焚掠而
去又剽汧陽華亭掠牛羊率萬計涇隴邠之民蕩然
盡矣諸將曾不能得一俘但賀賊出塞而已四年五
月虜三萬騎略涇邠寧慶鄜五州之鄙焚吏舍民間
係執數萬又寇寧州轉剽鄜坊五年韋臯以劔南兵

與戰殺其將西南少安不三年盡得雋州地久之北
廷沙陀別部叛吐蕃因是陷北庭都護府安西道絕
獨西州人尚爲唐守八年寇靈州又寇涇州詔城鹽
州以兵戍之時韋臯屢破其兵俘馘三萬降其首領
十二年寇慶州及華池是歲尚結贊歿明年贊普歿
其子足之煎立使使來請好朝廷以其無信不受十
四年韓全義破虜于鹽州十七年寇鹽州陷麟州韋臯
屢破其兵因定昆明諸蠻臯圍維州贊普引兵十萬
援之臯率南詔薄之擒其酋獻京師明年吐蕃使論
頰熱來右龍武大將軍薛仵往報二十年贊普歿詔

遣使弔祭其弟嗣立使使入朝順宗立以田景度等
持節往使永貞元年來歸金幣牛馬助崇陵憲宗初
遣使者脩好且還其俘其後比年來朝貢又款隴州
塞丐互市詔可十二年贊普歿遣使弔祭吐蕃使論
矩立藏來朝未出境吐蕃寇宥州與靈州兵戰不勝
斬首二千級郝玘又破其兵二萬詔留矩立等不遣
十四年乃歸之吐蕃又遣兵十五萬圍鹽州不能拔
朔方將史敬奉以奇兵大破之復攻沙州陷之穆宗
卽位復通使虜引兵入屯靈武靈州兵擊却之又寇
涇州長慶元年遣使來朝且乞盟詔許之盟京師西

郊又遣使就盟其國虜遣論悉諾悉等入謝天子命
左衛大將軍令狐通等報之比歲使者獻金盜銀冶
犀鹿貢犖牛寶器至大和再遣使者朝五年維州守
將悉怛謀挈城以降劔南西川節度使李德裕受之
州南抵江陽岷山西北望隴山一面崖三涯江虜號
無憂城爲西南要扞會牛僧孺當國議還悉怛謀歸
其城吐蕃夷誅無遺種以怖諸戎自是比五年虜使
來必報所貢有玉帶金四獺褐犖牛尾霞毼馬羊橐
駝贊普立幾三十年病不事委任大臣故不能抗中
國邊候晏然歿以弟達磨嗜酒好畋獵喜內且凶復

少恩政益亂開成四年遣太子詹事李景儒往使吐
蕃以論焦熱來朝獻玉器羊馬自是國中地震烈水
泉湧岷山崩洮水逆流三日鼠食稼人饑疫歿者相
枕籍鄯廓間夜聞鞞鼓聲人相驚會昌二年贊普歿
論贊熱等來告天子命將作監李璟弔祠無子以妃
緜氏尚延方子乞離明爲贊普始三歲妃共治其國
大相結都那見乞離明不肯拜曰贊普支屬尚多何
至立緜氏子邪哭而出用事者共殺之別將尚恐熱
爲落門川討擊使姓求名農力熱猶中國號郎也譎
詭善幻約三部得萬騎擊鄯州節度使尚婢婢地至

渭川與宰相尚與思羅戰薄寒思羅敗走松州合蘇毗吐渾羊同兵八萬保洮河自守恐熱謂蘇毗等曰宰相兄弟殺贊普天神使我舉義兵誅不道爾屬乃助逆背國邪蘇毗等疑而不戰恐熱麾輕騎涉河諸部先降并其衆至十餘萬禽思羅縊殺之婢婢往沒盧名贊心本羊同國人世爲吐蕃貴相寬原略通書記不喜仕贊普疆官之三年國人以贊普立非是皆叛去恐熱自號宰相以兵二十萬擊婢婢鼓鼙牛馬橐駝聯千餘里至鎮西軍大風雷電部將震歿者十餘人羊馬橐駝亦數百恐熱惡之按軍不進婢婢聞

之厚幣詔書約驩恐熱大喜曰婢婢書生焉知軍事我爲贊普當以家居宰相處之於是退營大夏川婢婢遣將擊之敗其兵恐熱遁明年恐熱復攻鄯州婢婢拒守恐熱兵敗兵孥連歲不解婢婢與恐熱相持婢婢糧盡引衆趨甘州西境以柘跋懷光居守恐熱麾下多歸之恐熱大掠鄯廓瓜肅伊西等州所過捕戮積尸狼籍麾下咸怨欲圖之乃揚聲將請唐兵五十萬共定其亂保渭州求冊爲贊普奉表歸唐宣宗詔太僕卿陸耽持節慰勞命涇原靈武鳳翔邠寧振武等兵迎接恐熱既至詔尚書左丞李景讓就問所

欲恐熱倨夸自大且求河湟節度使帝不許還過咸陽橋咄嘆曰我舉大事覲得濟此河與唐分境於是復趨落門川收散卒將寇邊會久雨糧絕恐熱還奔廓州於是鳳翔節度使李泚復清水涇原節度使康季榮復原州取石門等六關得人畜幾萬靈武節度使李欽取安樂州詔爲威邠寧節度使張欽緒復肅關鳳翔收秦州山南西道節度使鄭涯得扶州鳳翔兵與吐蕃戰隴州斬首五百級是歲河隴高年千餘見闕下天子爲御延喜樓賜冠帶皆爭解辯易服因詔差賜四道兵錄有勞者三州七關地腴衍者聽民

墾藝貸五歲賦溫地委度支權其鹽以贍邊四道兵能營田者爲給牛種戍者倍其資饑再歲一代商賈往來於邊者關鎮毋苛留兵欲墾田與民同初太宗平薛仁果得隴上地虜李軌得涼州破吐谷渾高昌開四鎮玄宗繼收黃河磧石宛秀等軍中國無斥候警者幾四十年輪臺伊吾屯田禾菽彌望開遠門揭候署曰西極道九千九百示戍人無萬里行也乾元後隴右劔南西山三州七關軍鎮監牧三百所皆失之憲宗嘗覽天下圖見河湟舊封赫然思經略之未暇也至是群臣奏言王者建功立業必有以光表於

世者今不勤一卒血一刃而河湟自歸請上天子尊
號帝曰憲宗嘗念河湟業未就而殂落今當述祖宗
之烈其議上順憲二廟謚號夸顯後世又詔朕姑息
民其山外諸州須後經營之明年沙州首領張義潮
奉瓜沙伊肅甘等十一州地圖以獻始義潮陰結豪
傑歸唐一日衆擐甲譟州門漢人皆助之虜守者驚
走遂攝州事繕甲兵耕且戰悉復餘州以部校十輩
皆操挺內表其中東北走天德城防禦使者齊詔收
慰擢義潮沙州防禦使俄號歸義軍遂爲節度使其
後河湟州虜將尚延心以國破亡亦獻款秦州刺史

誘降延心及渾末部萬帳遂收二州拜延心武
將軍駢收鳳林關以延心爲河湟等州都遊奕使
咸通二年義潮奉涼州來歸七年北延回鶻僕固俊
擊取西州收諸部鄯州城使張季顥與尚恐熱自破
之收噐鎧以獻吐蕃餘衆犯邠寧節度使薛弘宗卻
之會僕固俊與吐蕃大戰斬恐熱首傳京師八年張
義潮入朝爲右神武統軍賜第及田命族子淮深守
歸義十三年卒沙州以長史曹義金領州務遂授歸
義節度使後中原多故王命不及甘州爲回鶻所并
歸義諸城多沒渾末亦曰嗚末吐蕃奴部也虜法出

師必發豪室皆以奴從平居散處耕牧及恐熱亂無所歸共相嘯合數千人以嗚末自號居坤肅瓜沙河涇岷廓疊宕間其近蕃牙者最勇而馬尤良云唐末瓜沙之地復爲所隔然吐蕃自是衰弱族種分散大者數千家小者百十家無復統一矣自儀渭涇原環慶及鎮戎秦州暨于靈夏皆有之各有首領內屬者謂之熟戶餘謂之生戶涼州雖爲所隔然其地自置戍守或請命於中朝

文獻通考卷之三百三十四 終

文獻通考卷之三百三十五

鄯陽馬端臨貴與著

吐蕃

梁開平二年遣使朝貢官其首領後唐天成二年遣使者野利延孫等入貢并蕃僧四人持蕃書二封人莫識其字其後權知西涼府留後孫超遣大將拓跋承誨來貢明宗召見承誨云涼州東距靈武千里西北至甘州五百里舊有鄆人二千五百爲戍卒及黃巢之亂遂爲阻絕今城中漢戶百餘皆戍兵之子孫

文獻通考

卷之三百三十五

衣服言語略如漢人。又言涼州郭外數十里，尚有漢民陷沒者耕作。餘皆吐蕃。詔授超涼州刺史，河西軍節度使留後。漢乾祐初，超卒，州人推其土人折逋嘉施權知留後，遣使來貢，即以嘉施代超為留後。周廣順二年，始以申師厚為河西節度，師厚初至涼州，奏授吐蕃首領折逋支等官，從之。顯德中，師厚為其所迫，擅還朝，坐貶涼州，亦不復命。帥宋建隆二年，靈武五蕃以橐駝良馬致貢，來離等八族蕃越鬼護送入界，勅書獎諭，又賜秦州首領尚波于錦袍銀帶。尚波餘感悅，是牧獻伏羌地。

乾德四年，知西涼州抄逋葛皮上言，有回鶻二百餘人，漢僧六十餘人，自朔方路來，為部落劫剽。僧云欲往天竺取經，并送達甘州，詔褒荅之。八年，秦州大石小石族寇土門，掠居民，知州張炳擊走之。太平興國二年，秦州諸族數入寇，俱擊之，敗，斬首數十級，下詔戒勵之。八年，諸種以馬來獻，召其酋長對崇政殿，厚加慰撫，賜以束帛。九年，秦州言蕃部以羊馬來獻，詔以茶綵荅其值。淳化元年，秦州大小馬家族獻地內附。至道元年七月，西涼府押蕃落副使折逋喻龍波上言，蕃部頗為

繼遷侵掠。乃與吐蕃都部署沒臨拽干會六谷蕃衆來朝。且獻名馬上。厚賜之。是歲涼州復來請帥。詔以丁惟清知州事。賜以牌印。

咸平元年十一月。河西軍左廂副使歸德將軍折逋游龍鉢來朝。龍鉢四世受命爲酋。雖貢方物。未嘗自行。今始至。獻馬二千餘匹。河西軍卽古涼州。東至故原州千五百里。南至雪山土谷。渾蘭州界三百五十里。西至甘州。同城界六百里。北至部落三百里。周圍平州二千里。舊領姑臧神鳥蕃禾。昌松嘉麟五縣戶二萬五千六百九十三口。十二萬八千一百九十二。

今有漢民三百戶。城周回五十里。如鳳形。相傳李軌舊治也。皆龍鉢自述云。詔以龍鉢爲安遠大將軍。三年。以儀州延蒙八部都首領渴哥領化州刺史。首領透逋等爲懷化郎將。四年。知鎮戎軍李繼和言西涼府六谷都首領潘羅支願戮力討繼遷。請授以刺史。仍給廩祿。羅支貢馬五千匹。詔厚給馬價。別事茶綵。六年。原渭蕃郎三十二族納質來歸。羅支又遣蕃吳福暉騰來貢表言感朝廷恩信。憤繼遷倔強。已集騎兵六萬。乞會王師收復靈州。乃以羅支爲朔方軍節度。靈州西面都巡檢使。賜以鎧甲器幣。又以

吳福聖鵬爲定遠將軍。次首領兀佐等七人爲懷化將軍。羅支屢請王師助擊賊。議者以西涼去渭州限河路遠不可豫約師期。上曰：繼遷常在地中三山之東。每來寇邊。及官軍出。則已遁去。使六谷部族近塞悍禦。與官軍合勢。亦國家之利。降詔許之。六月。知渭州曹瑋言隴山西延蒙族首領禿逋等。納馬立誓。乞隨王師討賊。以漢法治蕃部。瑋稱其忠。詔授本族軍主。八月。者龍族首領來貢名馬。上嘉其嘗與潘羅支協力抗賊。令優待之。其年十一月。繼遷攻西蕃。遂入西涼府。知州丁惟清陷沒。羅支僞降。未幾集六谷諸

衆攻者龍族。合擊繼遷。大敗。中流矢歿。

景德元年。二月。羅支遣其甥厮陀先來獻捷。六月。又遣其兄那逋支入奏。且欲更率部族。及回鶻精兵。直抵賀蘭山。討除殘孽。願發大軍援助。卽詔涇原部署隈興等。俟羅支已發兵馬。率衆鼓行赴石門策應。那逋支又言前賜羅支牌印官誥衣服器械。爲遷賊劫掠。有詔別給。羅支又言修洪元大雲寺。詔賜金箔物綵。先是繼遷種落迷般。及日逋吉羅丹二族。忘歸者龍族。而欲陰圖羅支。是月會遷黨攻者龍。羅支率百餘騎急赴。將議合擊。遂爲二族戕於帳。詔贈羅支

武威郡王遣使贈卹其家。諸豪議立羅支弟斯鐸督爲首領。詔授鐸督鹽州防禦使。靈州西面公邊都大巡檢使。上以遷黨未平。藉其腹背。攻刺遂加。鐸督朔方軍節度。押蕃落等使。右隰州言。河西諸蕃四十五族內附。其年遷黨寇永寧寨。爲藥令合蘇擊而敗之。斬首百餘級。三年。斯鐸督遣使入貢。仍上與趙德明戰鬪功狀。詔嘉獎之。加檢校太傅。涇州言。妙娥延家熟魏等族。率三千餘帳。萬七千餘口。及羊馬數萬。款塞內附。詔遣使撫勞之。賜以袍帶茶綵。仍以折平族首領撒逋渴爲順州刺史。克本族都軍主。是年宗家

當宗章迷族來貢。移逋擦父族歸附。九月。詔釋西面納質戎人。先是諸蕃有鈔却爲惡。嘗經和斷者。恐異時復叛。故收其子弟爲質。乃有禁錮終身者。上憫而縱之。族帳感恩。皆稽首誓不爲邊患。四年。邊臣言趙德明謀劫西涼。襲回鶻。上以六谷甘州久推忠順。思撫寧之。乃遣使諭斯鐸督。令援結回鶻爲備。并賜鐸督茶藥襲衣金帶。及部落物有差。鐸督奉表謝。七年。知秦州張佶置大路門新寨。先是佶欲近涇。置採木場。蕃族聞之。卽徙帳去。信不能遂。撫之。戎人輒悔。因鄉導鈔劫。佶深入掩擊。悉敗走。至是求和。佶不

許時宗哥立。遵、唃廝囉、搆逋等哥帳族甚盛。勝兵六
七萬。與趙德明抗敵。希望朝廷恩命。佞奏請拒絕。涇
原鈐轄曹瑋。又言宜厚唃廝囉。以扼德明。八年。會
廝囉遣使來貢。詔賜錦袍金帶。噐幣。供帳什物。茶藥
有差。凡中金七千兩。他物稱是。其年唃廝囉宗哥文
法聚衆數十萬。請討平夏。以自効。上以爲戎人多詐。
慮緩急侵寇。及擾熟戶。卽命周文質監涇原軍。曹瑋
知秦州。兩路沿邊安撫使以備之。宗哥城東南至永
寧寨九百一十五里。東北至西涼府五百里。西北至
甘州五百里。東至蘭州三百里。南至河州四百一十
五里。又東至龕谷五百五十里。又西南至清海四百
里。又東至新渭州千八百九十里。九年。廝囉立遵
等獻馬五百八十二匹。詔賜幣總萬二計以荅之。是
年以宗哥族李遵爲保順軍節度。賜襲衣金帶噐幣
。遵一名野成。佐唃廝囉。甚有威名。性貪。恐其下怨。而
懼之。屢表求贊普號。朝廷以爲贊普戎王也。遵居廝
囉下。不應。妄授。乃用廝鐸思例焉。其後或比歲。或間
歲。朝貢不絕。李遵或曰。李立遵爲論逋。在唃廝囉論
逋者相也。立遵貪且喜殺戮。國人不附。其後舉兵與
瑋戰。三都谷不勝。又襲西涼。爲所敗。廝囉遂與立遵

不協更徙邈川以溫逋奇爲論逋數使人至秦州求
內屬明道初卽授斯囉寧遠大將軍愛州團練使授
逋奇歸化將軍已而逋奇爲亂囚斯囉置奔中出牧
不附已者守奔人間出之斯囉集兵殺逋奇徙居青
唐景祐中以斯囉爲保順軍節度觀察留後歲以奉
錢令秦州就賜元昊始強侵掠其界兵臨河湟斯囉
知衆寡不敵壁鄯州不出陰間元昊頗得其虛實元
昊已渡河插幟志其淺斯囉潛使人移植深處以誤
元昊及大戰元昊潰而歸士視幟渡溺歿者十八九
所鹵獲甚衆自是懟以奇計破元昊元昊遂不敢窺

其境及元昊取西涼府潘羅支舊部往往歸斯囉又
得回紇種人數萬斯囉居鄯州西有臨谷城通青海
高昌諸國蕃商皆趨鄯州貿易以故富強○寶元元
年加保順軍節度使仍兼邈川大首領時以元昊反
遣左侍禁魯經持詔諭斯囉使背擊元昊以披其勢
賜帛二萬疋經還以勞擢閣門祇候斯囉奉詔出兵
四萬五千向西涼西涼有備斯囉知不可攻捕殺遊
邏數十人亟還聲言圖再舉元昊旣屢寇邊仁宗召
對魯經欲再遣經固辭貶經爲左班殿直募敢使者
屯田貞外郎劉渙應詔渙至斯囉迎導供帳甚厚介

文獻通考 卷之三十三
騎士爲先驅引渙至庭。斯囉冠紫羅氍冠服。金線花袍。黃金帶。絲履。平揖不拜。延坐。勞問移阿舅。天子安否。道舊事。則數十二辰。屬曰。免年如此。馬年如此。云。渙傳詔已。斯囉召酋豪大犒。約盡力無身。然終不能有大功。後累加恩。兼保順河。西節度使。洮涼兩州刺史。又加階勳。檢校官。功臣。食邑。賜器幣。鞍勒馬。嘉祐三年。搽羅部阿作等叛。斯囉歸諒祚。諒祚乘此引兵攻掠境上。斯囉與戰。敗之。獲酋豪六人。收橐駝戰馬。破衆。因降隴通。立功。馬波三大族。會契丹遣使送女妻其少子董瓊。乃罷兵歸。

治平二年。夏。羌邈奔及阿叔溪心。以隴珠珂諾三城。叛諒祚。歸斯囉。斯囉不禮。乃復歸諒祚。請兵還取所獻地。諒祚以兵隨之。不能剋。但收邈川丁家五百帳。而還。斯囉其年十月一日卒。以三年五月二日葬。年六十九。董瓊嗣斯囉三妻。生董瓊者曰喬氏。其二妻李立遵女。生瞎瓊及磨瓊。角立遵歿。李氏寵衰。斥爲尼。置廓州。錮其子瞎瓊。磨瓊。角結母黨。李巴全竊載其母奔宗哥。斯囉不能制其磨瓊。角。因有其衆。李氏以寶元二年。恩賜紫衣磨瓊。角亦累奉貢。初補嚴州團練使。以思州團練使卒。所部立其子瞎撒欺丁李。

氏惧孤弱不能守。乃獻皮帛入庫廩。文籍于斯。囉廝囉因受之。

嘉祐三年。命欺丁爲順州刺史。瞎瑄居龕谷。屢通貢。授澄州團練使。先卒。子木征不能自立。青唐族酋瞎藥雞囉及僧遵鹿迎居洮州。欲立以服洮岷疊宕武勝軍。諸羌秦州以其近邊逐之。乃還河州。後徙安江城。董瑄雖羈屬之。不能有也。母弟瞎吳叱居銀川。聶家山。至和二年。補本族副軍主。於是唃氏地分爲三。董瑄居青唐。獨有河北之地。然毘強其國。大抵吐蕃遺俗。懷恩惠。重財貨。無正朔。市易用五穀乳香硃砂。

罽毘馬牛。以代錢帛。用虎豹皮緣衣裘。尊釋氏。不知醫藥。疾病召巫覡視之。焚柴聲鼓。謂之逐鬼。信咀呪。或以決事。訟有疑。使咀之。訟者上辭牘。藉之以帛。事重則以錦。亦有鞭笞。杻械。諸獄具人喜啖生物。無蔬茹醢醬。獨知用鹽爲滋味。而嗜酒及茶。居板屋。富室以瑄爲幕。貢獻謂之般次。云神宗卽位。加董瑄太保太傅。以其藺逋叱爲錦州刺史。二年。夏人寇環慶。董瑄乘虛入其境。大獲。賜璽書袍帶。激獎之。時王韶上平戎策。謂國家欲平西夏。當復河湟。則西夏有腹背受敵之憂。今古渭之西。熙河蘭鄯。皆漢隴西等郡。

文獻通考 卷之三十三 五
董璫雖國其間而不能制諸羌宜并有之以絕夏人
右臂詔以韶爲秦鳳沿邊安撫使既定熙河其首領
青宜結鬼章寇河州白踏城景思立歿焉帝命邊臣
招來之十年以鬼章及阿里骨皆爲刺史董璫入貢
賜以銀綵茶服改西平軍節度使

元豐四年王師討夏國會其兵董璫遣酋長秣征尊
率三萬人赴党龍耳江及隴朱珂諾又集六部兵十
二萬約以八月分三路與官軍會帝以其協濟軍威
事功可紀由常樂郡公進封武威郡王鬼章阿里骨
党令支皆團練使心牟欽璫阿星李叱臘欽爲刺史

夏人與之通好許割賂斫龍以西地云如歸我卽官
爵恩好一如所欲董璫拒絕之訓整兵甲以俟入討
且以蕃字來告神宗召見其使使歸語董璫盡心守
圍每稱其上書情辭志智雖中國士大夫存心公家
者不過如此知邈川事力固不足與夏人抗但欲解
散其謀使不與結和而已故終不能有大功哲宗立
加檢校太尉元祐元年卒藺通此已歿養子阿里骨
嗣阿里骨本于闐人少從其母給事董璫故養爲子
旣嗣事遣使修貢

元祐元年授冠軍天將軍檢校司空河西軍節度使

封寧塞郡公。二年，里骨逼鬼章使率衆據洮州。八月，鬼章就擒，檻送京師，詔赦之。明年，里骨奉表謝罪，詔熙河無復出兵，許貢奉如故。又加其官。
紹聖元年，來獻獅子，厚賜還之。二年卒。子瞻征嗣，授以父官。瞻征嗜殺，部曲睽貳，大酋心平，欽璫之，屬有異志。忌瞻征，季父蘇南党征，雄勇多智，共誣其謀，逆瞻征不能察而殺之，盡誅其黨。獨錢羅結逃奔溪巴溫，溪巴溫者，董璫疎族也。自阿里骨之立，云依隴通部，河南諸寇多歸之。錢羅結奉溪巴溫長子杓梭，據溪哥城，瞻征討殺杓梭。錢羅結奔河州，說王瞻以取青唐之策。已而溪巴溫入溪哥城，自稱王子。
元符二年七月，瞻取邈川。八月，瞻征自青唐脫身來降，欽瞻迎溪巴溫入青唐，立其隴梭爲主。八月，瞻軍至青唐，隴梭出降，詔以邈川爲湟州，唐爲鄯州。二酋雖然，其種人本無歸漢意，議者謂今不先修邈川以東城障，而遽取青唐，非計也。閏九月，欽瞻等果與青唐城中人相結，謀復奪城。山南諸羌亦叛，瞻遣將破之。青唐圍解而邈川益急，夏人十萬助之。總管王愍苦戰固守，乃免。瞻棄青唐歸溪巴溫，與其子溪賒羅據之。朝論請并棄邈川，且謂董璫無後。趙懷義乃木

文獻通考 卷之三十三
征之子。唘斯囉嫡曾孫。最爲親的。於是以隴授爲河
西軍節度使。知鄯州。封武威郡公。克西蕃都護。依府
州折氏例。世世承襲。尋賜姓名趙懷德。以淮義爲廓
州團練使。同知湟州。加瞻征檢校太傅。懷遠軍節度
使。三年。三月。懷德隴授及所降契丹。夏國回鶻公
主入見。皆蕃服。蕃拜各賜冠服。退易之於邇英閣。前
復立班謝。賜食於橫門。徽宗命輔臣呼懷德與。詔問
何以招致。溪巴溫對曰。譬如乳牛。繫其子卽母。須來
繫其母。卽子。須來。至岷州。當遣人往諭。使之歸漢。遂
與瞻征俱還。湟州溪賒羅撒謀襲殺懷德。懷德奔河

南瞻征不自安。求內徙。詔居鄧州。崇寧元年卒。三年
王厚復湟鄯。懷德至京師。拜感德軍節度使。封安化
郡王。趙思忠卽瞻瓊之子。木征也。嘉祐中。爲河州刺
史。其後河州武勝軍諸族。漫驕閉于闐。諸國朝貢。詔
邊將問罪。會王紹經略熙河。招納蕃部。遣僧智緣往
說之。啖以厚利。因隨以兵。前後殺其老弱數千。焚帳
族萬數。得腹心首領十餘人。又離其妻子。皆不殺。木
征拒戰。敗北。遂以熙寧七年四月。舉洮河二州來降。
賜令姓名。拜榮州團練使。封其母妻及諸子。皆超拜
官。其後以思忠爲秦州鈐轄。不蒞事。而乞主熙河蕃

部經略司。以爲不可。詔於二州給地五十頃。十年。遷
合州防禦使。卒。贈鎮洮軍節度觀察留後。建炎初。錢
蓋制置陝西。上言。青唐無毫髮之得。而所費不貲。請
求唃氏。後而立之。必得其力。乃以蓋爲陝西總制使。
持告。賜趙懷恩。懷恩者。董璫從孫。懷德之弟。益麻党
征也。議者以爲蕃部所推伏。故賜姓名。封爲隴西郡
王。四朝國史論曰。吐蕃之裔。守護西塞。爲不侵不
叛之臣。嘗宣力王家。奮擊夏虜。而熙寧。元符。崇寧間。
三用師於其國。蓋其始也。王安石主王詔。取洮河中
而章惇主王瞻。夷青唐。末而蔡京主王厚。復湟鄯。遂

建熙河一道郡縣。而置之。功雖訖。成邊患不息。唃氏
子孫無罪。而就覆亡。及金。戎得秦隴。乃能求其後而
續其血食。孰謂夷無人哉。

大羊同

大羊同。東接吐蕃。西接小羊同。北直于闐。東西千餘
里。勝兵八九萬人。其人辮髮。羶裘。畜牧爲業。地多風
雪。水厚丈餘。所出物產。頗同蕃俗。無文字。但刻木結
繩而已。刑法嚴峻。其酋豪。死抉於穴去腦。實以珠玉
剖其五臟。易以黃金。假造金帛。銀齒。以人爲殉。卜以
吉辰。藏尸巖穴。他人莫知其所。多殺犍牛羊馬。以克

文獻通考 卷之三十三 五
祭祀葬畢服除其王姓姜葛有四大臣分掌國事自古未通中國唐貞觀十五年遣使來朝

悉立

悉立在吐蕃西南戶五萬有城邑村落依溪澗丈夫以繒綵纏頭衣壇褐婦人辮髮着短裙以蒸報爲俗畜多水牛殺羊鷄豕穀宜秔稻麥豆饒其蔗諸果歿葬於中野不爲封樹喪制以黑爲衣一年就吉刑有刑劓羈事吐蕃自古未通中國唐貞觀二十年遣使貢方物

章求拔

章求拔或云章揭拔本西羌種也在悉立西南居山之內近代移出西接東天竺遂衣服變西羌之俗其地延袤八九百里勝兵二千餘人居無城郭好爲寇掠商旅患之聞悉立入朝亦遣使朝貢

泥婆羅

泥婆羅國在吐蕃西其俗剪髮與眉齊穿耳瑇植竹筒綏至肩者以爲姣麗食用手其器皆銅多商賈少田作以銅爲錢面文爲人背文爲馬其牛鼻不穿孔衣服以一幅蔽身數自盥漱以板爲屋壁皆雕畫俗重博戲頗解推測盈虛兼通曆術事五天神鑄石爲

文獻通考 卷之三十三 吐蕃
像每日清水浴神。烹羊而祭。其王那陵提婆。身著真珠諸寶。耳垂金鈎玉璫。佩寶裝伏。突坐獅子。坐常散燃香。大臣及左右並坐於地。有阿耆波。滿池。周迴二十餘步。以物投之。卽生煙焰。懸釜而炊。湏臾而熟。唐永徽二年。遣使朝貢。其俗與吐蕃同。

大勃律

大勃律。或曰布露。直吐蕃。西與小勃律接。西隣北天竺。鳥菟地宜鬱金。役屬吐蕃。唐萬歲通天。逮開元時。三遣使者朝。故冊其君蘇弗舍利支離泥爲王。又冊蘇麟陀逸之嗣王。凡再遣大首領察卓那斯摩沒

勝入謝。沒謹忙歿。子難泥立歿。兄麻來子立歿。蘇失利之立爲吐蕃。陰誘妻以女。故西北二十餘國皆臣吐蕃。貢獻不入。安西都護三討之無功。天寶六載。詔副都護高仙芝伐之。前遣將軍席元慶馳千騎。見蘇失利之曰。請假道趨大勃律。城中大酋五六皆吐蕃腹心。仙芝約元慶。吾兵到必走山。出詔書召慰。賜繒綵。縛首領待我。元慶如約。蘇失利之挾妻走。不得處。仙芝至。斬爲吐蕃者。斷婆夷橋。是暮吐蕃至。不能救。仙芝約王降。遂平其國。於是拂菻大食諸胡七十二國皆震恐。咸歸附。執小勃律王及妻歸京師。詔改其

國號歸仁。置歸仁軍。募千人鎮之。帝赦蘇失利之不
誅。授右武衛將軍。賜紫袍黃金帶。使宿衛。

箇失蜜

箇失蜜。或曰迦濕彌邏。北距勃律五百里。環地四千
里。山回繚之。他國無能攻伐。王治撥邏勿。還布邏城。
西瀕彌那。悉多大河。地宜稼。多雪。不風。出火珠。鬱金
龍種馬。俗毛褐。世傳地本龍。徙水竭。故往居之。
唐開元初。遣使者朝。八年。詔冊其主真陀羅。秘利爲
王。間獻胡藥。天木。歿。弟木多筆立。遣使者佛理多來
朝。且言有國以來。並臣天可汗。受調發。國有象馬。

三種兵。臣身與中天竺王。阮吐蕃。五大道。禁出入。戰
輒勝。有如天可汗。兵至勃律者。雖衆二十萬。能輸糧
以助。又國有摩訶波多磨龍池。願爲天可汗營祠。因
丐王冊。鴻臚譯以聞。詔內物理。多宴中殿。賜賚優備。
冊木多筆爲王。自是職貢有常。其役屬五種。亦各國
所謂咀。又始羅者。地二千里。有都城。西南餘七百里。
得僧訶補羅地。三千餘里。亦治都城。東南山行五百
里。得烏刺尸地。二千里。有都城。宜稼穡。東南限山千
里。卽箇失蜜。西南行險七百里。得半斂蹉地。二千里。
又得曷羅閣補羅者。其大四千里。有都城。多山阜。人

驍勇五種皆無君長云

骨咄

骨咄或曰珂咄羅。廣長皆千里。王治思助建城多良馬。赤豹有四大鹽山。出馬鹽烏。唐開元十七年。王俟斤遣于骨都施來朝。二十一年。王頡利發獻女樂。又遣大首領多博勒達于朝貢。天寶十一載。冊其王羅金節為葉護。

蘇毗

蘇毗本西羌族。為吐蕃所并。號孫波。在諸部最大。東與多彌接。西距鶻莽。破戶三萬。唐天寶中。王沒陵贊

欲舉國內附。為吐蕃所殺。子悉諾率首領奔隴右。節度使哥舒翰護送闕下。玄宗厚禮之。多彌亦西羌族。役屬吐蕃。號難磨濱犁牛河。土多黃金。貞觀六年。遣使者朝貢。賜遣之。伊吾城者漢宜禾都尉所治。商胡雜居。勝兵千。附鐵勒。人驍悍。土良沃。隋末內屬。置伊吾郡。天下亂。復臣突厥。貞觀四年。城酋四年頡利滅。舉七城降。列其地為西伊州。

沙州

沙州本漢焯煌故地。唐天寶末陷于西戎。大中五年。張義潮以州歸順。詔建沙州為歸義軍。以義潮為節

文獻通考 卷之三十三
度使領河沙甘肅伊西等州。觀察營田處置使義潮入朝。以從子惟深領州事。至朱梁時。張氏之後絕州人推長史曹義金爲帥。義金卒。子元忠嗣。周顯德二年來貢。授本軍節度。檢校太尉同中書門下平章事。鑄印賜之。宋建隆三年。加兼中書令。子延恭爲瓜州防禦使。興國五年。元忠卒。子延祿遣人來貢。贈元忠燉煌郡王。授延祿本軍節度。弟延晟爲瓜州刺史。延瑞爲衙內都虞侯。咸平四年。封醜郡王。五年。延祿延瑞爲從子。宗壽所害。宗壽權知留後。而以其弟宗允權知瓜州。表求旌節。乃授宗壽節度使。宗允檢校尚

書左僕射知瓜州。宗壽子贊順爲衙內都指揮使。大中祥符末。宗壽卒。授贊順本軍節度。弟贊惠爲檢校刑部尚書知瓜州。贊順表乞金字藏經。洎茶藥金箔。詔賜之。至天聖初。遣使來謝。貢乳香。礪砂。玉團。自景祐至皇佑中。凡七貢方物。

西夏

本末已見封建考

文獻通考卷三百三十五終

本末已具挂數卷

西夏

蘇至皇中八十貢式... 詰顯文至天聖... 既濟尚書映瓜... 中報發末宗壽卒... 書式對娘映瓜... 蘇至皇中八十貢式... 詰顯文至天聖... 既濟尚書映瓜... 中報發末宗壽卒... 書式對娘映瓜... 蘇至皇中八十貢式... 詰顯文至天聖... 既濟尚書映瓜... 中報發末宗壽卒... 書式對娘映瓜...

文獻通考卷之三百三十六

鄯陽馬市端臨貴與著

四裔考

西域總序

西域以漢孝武時始通本三十六國皆在匈奴之西。烏孫之南。南北有大山。中央有河。東西六千餘里。東則接漢阨以玉門陽關。西則限以葱嶺諸國。大率土著有城郭。田畜與烏孫異。故皆役屬匈奴。西邊日逐王領西城。賦稅取足焉。其南山東出金城。

今金城會寧安鄉西。與漢南山屬焉。自玉門陽

平等即漢金城郡地。文獻通考

關出西域有兩道。西踰葱嶺則出大宛康居奄蔡焉。自張騫開西域之迹。其後霍去病擊破匈奴右地。降渾邪休屠王。遂空其地。始築令居以西。今西平郡之西北初置酒泉郡。後稍發徙人充實之。分置武威張掖燉煌酒泉四郡。據兩關焉。自李廣利伐大宛之後。西域震懼。多遣使來貢獻。於是東自燉煌。西至鹽澤。即蒲昌海在京交河北庭界中往往起亭障。是時軍旅連出。師行二十三年。海內虛耗。征和中。貳師李廣利以軍降匈奴。帝既悔遠征伐。而搜粟都尉桑弘羊與丞相御史奏言。故輪臺以東接枝渠黎。皆故國地。輪臺渠黎地名。今在交可北庭界中。其地相連

麻。既水草。有溉田五千頃。以上處溫和。田美。可益通溝渠。種五穀。與中國同時熟。田一歲有積穀。募人壯健。有累重敢徙者。請田所。累重謂妻小家屬就畜積為本業。益墾溉田。稍築列亭連城。而西以威西國。帝深陳既往之悔。乃不復出軍。昭帝時。乃用桑弘羊前議。以給外國使者。至宣帝遣衛司馬使護鄯善。以西數國。及破姑師。未盡殄。分以為車師前後王。及山北六國。時漢獨護南道。未能盡并北道也。神雀三年。匈奴日逐王來降。護鄯善。以西使者鄭吉迎之。乃因使者吉併護北道。故號曰都護。都護之起。自吉置矣。由此匈奴



益弱不能近西域。於是徙屯田於比胥鞬枝莎車之地。屯田校尉始屬都護。都護督察烏孫康居諸外國。都護治烏壘城。去陽關二千七百四十里。與渠黎田官相近。土地肥饒於西域中。故治焉。至元帝復戊巳稱戊巳二校尉屯田於車師前王庭。戊巳中央鎮覆四方又開渠播種以爲厭勝故長君監史。大祿伯長。千長都尉。且子餘渠當戶將相。至侯王皆佩漢印綬。凡三百七十六人。而康居大月氏安息罽賓烏弋之屬皆以絕遠不在數中。其來貢獻則相與報。不督錄總領也。至王莽時四邊擾亂。與

中國遂絕。並復役屬匈奴。前往西域有二道。自元始以後有三道。從王門關出西經婁羌婁而遮反轉西域。葱嶺經懸度入大月氏爲南道。從王門關出西發都護井迴三隴沙北頭。經居廬倉。從沙西北過龍堆到故樓蘭。轉西詣龜茲。至葱嶺爲中道。從王門關西北出經橫坑辟三隴沙。及龍堆出五船。皆到車師界。戊巳校尉所經高昌。轉西與中道合。龜茲新道。後漢永平中。匈奴乃脅諸國共寇河西郡縣。今武威張掖等郡地城門晝閉。明帝乃命將北征匈奴。取吾廬地。今吳郡縣置宜禾都尉。以屯田。遂通西域于闐諸國。西域自絕六十五載。

乃復通焉。明年始置夫都護。戊巳校尉。及明帝崩焉。耆龜茲攻沒都護陳睦。匈奴車師圍戊巳校尉。章帝不欲疲敝中國以事夷狄。乃迎還戊巳校尉。不復遣都護。復罷屯田。匈奴因遣兵守伊吾地。時軍司馬班超留于闐。綏集諸國。和帝永光初。竇憲大破匈奴。因遣副使尉閻盤掩擊伊吾破之。三年。班超遂定西域。因以超爲都護。居焉。茲復置戊巳校尉。於是五十餘國悉納質內屬。其條枝安息諸國。至于海濱四萬里外。皆重譯貢獻。九年。班超遣掾甘英窮臨西海而還。皆前代所不至。莫不備其風土。傳其珍怪焉。及班超

被徵以任尚爲都護。尚謂超曰。猥承軍後。宜有以誨之。超曰。塞外吏士。本非孝子順孫。皆以罪過徒補邊屯。而蠻夷懷鳥獸之心。難養易敗。今君性嚴急。水清無大魚。察政不得下和。宜蕩佚簡易。寬小過。總大綱而已。尚不能從。歎曰。至安帝初。西域背叛。如超所言。頻攻都護。任尚段禧等。朝廷以爲險遠難相應。赴詔罷都護。自此遂棄西域。北匈奴卽復收屬諸國。共爲邊患。十餘歲。燉煌太守曹崇請出兵擊匈奴。復欲進取西域。鄧太后不許。但令置護西域副校尉。居燉煌羈縻而已。其後匈奴連與車師入寇河西。漢不能禁

文獻通考 卷之三十三
議者因欲閉玉門陽關以絕其患。尚書陳忠上疏曰：臣聞八蠻之寇，莫甚北虜。高祖窘平城之圍，文帝屈供奉之耻，故孝武憤怒，深惟久長之計，命遣武臣，浮河絕漢，窮破虜庭，遂開西河四郡，以隔絕南羌。收三十六國，斷匈奴右臂，是以單于孤特，竄跡遠藏。由此觀之，戎狄可以威服，難以化狎。西域內府日久，區區東向叩關者數矣。此其不樂匈奴慕漢之效也。今北虜已破車師，勢必南攻，鄯善棄而不救，則諸國從矣。若然，則虜財賄日增，膽勢益殖，威臨南羌，與之交連如此，河內四郡危矣。不得不救，則百倍之役興，不訾

之費發矣。議者但念西國絕遠，郵之煩費，不見先苦心勞勤之意也。臣以爲燉煌宜署校尉，按舊增四郡屯田，以西撫諸國，庶足以折衝萬里，震怖匈奴。太后又召班超之子勇，問之，勇議曰：昔者孝武皇帝患匈奴疆盛，開通西域，諸國論者以爲奪匈奴府藏，斷其右臂，遭王莽篡盜，徵求無厭，胡夷忿毒，遂以背叛。光武中興，未遑外事，故匈奴負疆驅率諸國。及至永平，再攻燉煌，河西郡城門晝閉。明帝命武臣出征西域，故匈奴遠遁，邊境得安。及至永元，莫不內屬。會間者羗亂西域，復絕北虜，遂遣責諸國，備其逋租，高其價

直嚴其期會鄯善車師皆懷忿怒思樂事漢其路無
從前所以時有叛者皆由牧養失宜還爲其患舊燉
煌郡有營兵三百人宜復之復置護西域副校尉居
於燉煌如永元故事又宜遣西域長史將五百人屯
樓蘭西當焉耆龜茲徑南疆鄯善于闐心膽北扞匈
奴東近燉煌如此誠便長樂衛尉鐔顯等難曰朝廷
前所以棄西域者以其無益於中國而費難供也今
車師已屬匈奴鄯善不可保信一朝反覆班將軍能
保北虜不爲邊害乎勇對曰今中國置州牧者以禁
郡縣姦猾盜賊也若州牧能保盜賊不起者臣亦願

以腰斬保匈奴之不爲邊害也今通西域則虜勢必
弱虜勢弱則爲患微矣孰與歸其府藏續其左臂哉
爲置校尉以扞北撫西設長史以招懷諸國若棄而
不立則西域屈就北虜緣邊之郡將受困苦河西城
門復有晝閉之境矣今不過開朝廷之德而拘屯戍
之費若此虜遂熾豈安邊久長之策哉太尉屬毛軫
難曰今若置校尉則西域絡繹遣使求索無厭與之
則費難供不與則失其心一朝爲匈奴所迫當復求
救則爲役大矣勇對曰今設以西域歸匈奴而使其
因西域租入之饒兵馬之衆以擾動緣邊是爲富仇

讐之財增暴夷之勢也。置校尉者，宣威布德，以繫諸國內向之心，以疑匈奴覬覦之睛，而無費財耗國之慮也。且西域之人，無他求索，其來入者，不過廩食而已。今若拒絕，勢必北屬夷虜，并力以寇掠，則中國之費不止十億。於是從忠勇議，乃以勇為西域長史，將五百人西屯柳中。今交河郡縣勇遂破平車師。自建武至于延光，西域三絕，復通順帝。永建二年，勇復擊降焉耆。於是龜茲、疎勒、于闐、莎車等十七國皆來服從。而烏孫、蔥嶺以西遂絕。六年，帝以伊吾舊膏腴之地，傍近西域，匈奴資之以為鈔，暴復令開設屯如永元事。

置伊吾司馬一人。自陽嘉以後，朝威稍損，諸國驕放，轉相陵伐矣。自魏及晉，中原多故，西域朝貢不過三數國焉。至後魏太武帝，使董琬使西域還，且言其地為三域：自蔥嶺以東，流沙以西，為一域；姑墨以南，月氏以北，為一域；兩海之間，水澤以南，為一域。三域之內，諸小渠長，蓋以百數，其出西域，更為四出。自域門流沙，西行二千里，至鄯善為一道；自域門度流沙，北行二千二百里，至車師為一道；從莎車西行一百里，至蔥嶺西千三百里，至伽部為一道；自莎車西南五百里，至蔥嶺西南千三百里，至波路為一道焉。於是

文獻通考 卷之三十三
貢獻者十有六國。孝文延興中，尚書奏以燉煌一鎮界遠西北，寇賊路衝，慮或不固，欲移就涼州。群官會議，給事中韓秀曰：「此蹙境之事，非闢土之宜。」燉煌之立，其來久矣。雖土臨強寇，而兵人素習，縱有姦竊，不能為害。循常置戍，足以自全。進斷北狄之覘途，退塞西夷之闕路。若徙就姑臧，慮人懷異意，或貪留重遷，情不願徙。脫引寇內侵，深為國患。且燉煌去涼州二千里，捨遠就近，防制有闕。一朝廢置，是啓戎心。則夷狄交構，互相來往，恐醜徒協契，竊侵涼土，邊役煩興，艱難方甚。乃從秀議。隋煬帝時，遣侍御史肅節司隸

杜行滿使於西蕃諸國。至罽賓得瑪瑙杯，王舍城得佛經，史國得十舞女，師子皮、火鼠毛而還。帝復令裴矩於武威張掖間往來，以引致之，皆啗以厚利。令轉相諷諭，大業中相率而來朝者四十餘國。帝因置西戎校尉以應接之。自燉煌西出玉門陽關沙磧善，北通伊吾千里，自伊吾北通車師前部，高昌壁千二百里，自高昌壁北通車師後部，金滿城今北庭府縣五百里，此其西域之門戶內地。故漢戍已校尉更互屯焉。伊吾地宜五穀桑麻蒲萄，其北又柳中，皆膏腴之地。故漢帝與匈奴爭車師伊吾以制西域。至隋有商

胡雜居勝兵千餘人附於鐵勒人甚僥悍厥田良沃
隋末內屬置伊吾郡屬天下亂又臣突厥唐貞觀四
年以頡利破滅遂舉其屬七城來降因列其地為西
伊州同於編戶至武太后如意初武威軍總管王孝
傑大破吐蕃復龜茲于闐疎勒碎葉四鎮自是諸國
朝貢侔於前代矣神龍以後黑衣大食強盛漸并諸
國至于西海分兵鎮守焉世佑族子瑗隨鎮西節度使高仙芝西征天寶十載
至西海寶應初因賈商船自廣州而回著經行記今之所纂其小國無異聞
者則不暇錄焉諸家纂西域志多引諸僧遊歷傳記如法明游天竺記支僧載外國事法
盛諸國傳道安西域志佛國記曇勇外國傳智猛外國傳支曇諦烏山銘法師外國傳之類皆上

論釋氏詭異奇跡參以他書則皆紕繆故多畧焉

樓蘭 卽善

樓蘭在婁羌西北漢時通焉王治杆泥城去陽關千
六百里東去長安六千一百里戶千五百西北去都
護治所千八百里至山國千三百餘里此國山居西故名山國
北至車師千九百里地沙鹵少田寄田仰穀旁國國
多出葭葦檉柳胡桐白草白草牛馬所嗜也胡桐亦蟲食其樹而沫下流出者俗各為胡桐淚
可以汗金銀人隨畜牧逐水草有驢馬多橐駝能
作兵器與婁羌同漢武帝因張騫之言甘心欲通大
宛諸國一歲中多至十餘輩樓蘭姑師當道苦之每給

使者受其勞費故厭苦也功劫漢使王恢等漢將趙破奴率屬國

騎謂諸萬國屬漢者及郡兵擊之虜樓蘭王遂破姑師於是

列亭障至玉門矣樓蘭既降服貢獻匈奴聞發兵擊

之於是樓蘭遣一子質漢後貳師將軍擊大宛便道

引兵捕樓蘭王將詣闕薄責王對曰小國在大國間

不兩屬無以自安願徙國入于漢地上直其言遣歸

國樓蘭王使後王立樓蘭國最東垂近漢當白龍堆

乏水草常主發導負米擔糧送迎漢使又數為吏卒

所懲艾不便與漢通後復為匈奴反間數遮漢使昭

帝遣平樂監傅介子往刺其王懸首北闕下乃立其

弟尉屠耆為王更名其國為鄯善王自請天子曰身

在漢久命歸單弱而前王有子在恐為所拒國中有

伊循城其地肥美願漢遣一將屯田積穀令臣得依

其威重於是漢遣司馬一人吏士四十人田伊循以

鎮撫之其後置都尉伊循官置始此矣鄯善當漢道

衝西通且末且此七百二十里自且末以往皆種五

穀土地草木產畜作兵略與漢同自後無聞至後魏

太延時鄯善王遣其弟入侍及太武平涼州沮渠無

諱度流沙遣其弟安周擊鄯善王王比龍恐懼欲降

會魏使自天竺剽賓王鄯善勸比龍拒之連戰安周

不能克而退。後比龍懼，率衆西奔且末。其世子乃應安周，大武討平之。拜交趾公韓杖爲假節征西將軍。領護西戎校尉鄯善王以鎮之，賦役其人比之郡縣。然其後部落遂役屬於且末。西魏大統八年，其兄鄯來率衆內附，置使領之。且末自且末以出，皆賦役。

且末

且末國，漢時通焉。王治且末城，去長安六千八百里。戶二百三十。西北至都護治所二千二百里。北接尉犁、丁零，東與白提、西接波斯，精絕南至小宛，可三日行。地有蒲萄、諸果，人皆翦髮，著羶帽、小油衣，爲衫則

開頸而縫，前多牛羊驢騾。其王安末，梁盤、梁武帝武

晉

通五年遣使貢獻，謂之末國。

梁史云
卽且末

其國西北有流

沙數百里，夏月有熱風爲行旅之患。風之欲至，老駝先知，卽鳴而聚立，埋口鼻於沙中。人每以爲侯，卽將羶擁蔽鼻口，其風迅駛，斯須過盡，若不防者必致危斃。

杆彌

杆彌，漢時通焉。王治杆彌城，去長安九千三百里。戶三千三百。東北至都護治所三千五百里。南與疎勒、東北與龜茲、西北與姑墨接，西通于闐，四百里。後漢

改其國曰拘彌居寧彌城順帝永建中爲于闐王放
前破殺其王興陽嘉初燉煌太守徐由遣疎勒發兵
擊破于闐遂更立拘彌王靈帝嘉平中又爲于闐所
破掠殺殆盡衆纔千口

車師前後王

卽高昌

車師前王後王並漢時通焉前王國一曰前部治交
河城今交河郡水分流繞城下故爲號去長安八千一百
里戶千五百西南至都護治所千八百里西域長史
及戊巳校尉並治于此去燉煌十三日行其地東西
三百里南北五百里四面多大山後王國治務塗谷

卽今蒲城北庭
府蒲類縣也

去長安八千九百里戶六百西南至

都護治所千二百三十餘里北與匈奴接初漢武帝
征和四年遣重合侯馬通將諸國兵共圍車師車師
王降服後其王烏貴與匈奴結親教之遮漢道昭帝
時匈奴復使四千騎田車師宣帝地節二年遣侍郎
鄭吉校尉司馬喜將免刑罪人田渠黎積穀欲以攻
車師至秋收穀吉喜弱城郭諸國兵共擊車師攻交
河城破之王尚在此石城幸侍會吉食盡歸渠黎田
秋收後更往攻石城王乃輕騎奔烏孫吉還田渠黎
及車師益積穀以安西國侵匈奴匈奴大臣皆言車

師地肥美近匈奴使漢得之多田積穀必害我國不可不爭也遣騎來擊吉吉將田士卒保車師城匈奴圍城數日乃解吉上書言車師去渠梨千餘里間以山河北近匈奴漢兵在渠梨者勢不能相救願益田卒於是故車師太子軍宿在焉耆者立以為王盡徙車師國人令車渠梨遂以車師故地與匈奴車師王得近滿田官與匈奴絕亦安樂親漢其後置戊巳校尉屯田居師故地即今交河郡漢取之以置校尉平地帝元始中車師後王國有新道出五船北通玉門關往來差近戊巳校尉徐善欲開以省道里避白龍堆之阨車師後王

始句。

青

以道適當為柱置心不便也。

柱支柱也言有所置立而支柱

於已故心不便也柱音竹禹反

地又頗與匈奴南將軍地接其後舉

國降匈奴是時王莽易匈奴單于壘單于怒大擊北邊而西域亦瓦解焉耆國近匈奴先叛殺都護相欽莽不能討西域因絕王後漢和帝元光二年大將軍竇憲破北匈奴車師震懼前後王各遣子入侍其後屢叛至安帝延光四年長史班勇擊其後王軍大破之桓帝永興初後部王阿羅多攻圍漢屯田且固城殺傷吏士後部侯炭遮領餘人叛阿羅多詣漢降阿羅多從百餘騎亡走北匈奴中漢立後部故王軍就

質子卑君爲後部王。阿羅多復從匈奴中來降。於是更立阿羅多爲王。將卑君還燉煌。以後部人三百帳別屬役之。食其稅帳者。猶中國戶數。至魏時。賜其王亦多離守魏侍中號大都尉。晉以交河城爲高昌郡。蓋因其地高。立名。或云昔漢武帝遣軍西討師旅頓弊者。因住焉。有漢時高昌壘故也。張軌呂光沮渠蒙遜在河西。皆置太守以統之。後魏太武時。其前部主爲沮渠無諱所攻。遣使上表云。不能自全。遂捨國東奔。三分免一在焉。耆東界。幸垂賑救。魏使撫慰。開焉耆倉給之。文成帝末。其地又爲蠕蠕所并。立闕伯周爲王。高昌稱王自此始。孝文太和五年。高車主阿伏至羅。

新開王以燉煌人張孟明爲高昌王。太和二年。孟明爲國人所殺。立馬儒爲王。以鞏願權翹嘉爲左右長史。儒又通使後魏。請內屬。人皆戀土不願東徙。相與殺儒。立嘉爲王。嘉字靈鳳。金城郡榆中人。今郡地。旣立爲王。會焉耆爲嚙噠所破。衆不自立。請王于嘉。嘉遣第二子爲焉耆王。由是始大。益爲國人所服。其都城周回千八百四十步。於坐室畫魯哀公。問政於孔子之像。國內有城十八。置四十六鎮。官有令尹。有交河公田地。公皆其王子也。餘官多同中國。大事決之於王。小事則世子及二公隨狀斷。平章錄記事訖。卽除。

文獻通考 卷之三十三
藉書之外無久掌文案官。人雖有列位。並無曹府。唯
每朝集於衙門。評議衆事。諸城各有戶曹水曹田曹。
每城遣司馬侍郎相監檢校。名爲城令。服飾大夫從。
胡法婦人裙襦頭髻略同華夏。兵器有弓箭刀楯甲。
稍。文字亦同華夏。兼用胡書。有毛詩論語孝經歷代
子史。集學官弟子以相教授。雖習讀之。而皆爲詩賦。
稅則計田輸銀。無者輸麻布。其刑法風俗婚姻喪葬。
與華夏大同。其人面貌類高麗。辮髮垂之於背。女子
亦然。其地高燥多石磧。氣候溫煖。與益州相似。穀麥
再熟。宜蠶多五果。有草名爲羊刺。其上生蜜味甚佳。

赤鹽如朱。白鹽如玉。多蒲萄酒。俗事天神。兼信佛法。
國中羊馬牧於隱僻。以避外寇。非貴人不知其所。又
有草實如繭。中絲如細纒。名爲白疊子。國人取織以
爲布。交市用焉。其國北有赤石山。山北七十里有貪
汗山。夏有積雪。此山之北。鐵勒界也。從武威西北。有
捷路度沙磧千餘里。四面茫然。無有蹊徑。欲往者不
可準記。唯以人畜骨骸及駝糞爲驗。路中或聞歌哭
之聲。行人尋之。多致亡失。蓋魑魅魍魎也。故商旅往
來多取伊吾路。魏孝文以來。朝貢不絕。孝明時遣使
奉表。自以邊遐不習典誥。求借五經諸史。并請國子

助教劉燮以爲博士許之嘉歿子堅立後關中賊亂
使命遂絕梁大同中遣使南奉方物普泰初遣使朝
貢後遂隔絕至大統十四年詔以其世子亥嘉爲王
恭帝二年又以田地公茂嗣位武成元年其遣遣使
貢方物保定初又遣使來貢隋文帝開皇中突厥破
其四城有二千人來歸中國嘉孫伯雅立其大母本
突厥可汗女其父歿突厥令伊其俗伯雅不從突厥
逼而從之煬帝大業五年伯雅來朝因從擊高麗還
尚宗女華容公主八年歸蕃唐武德中遣使獻狗雌
雄各一高六寸長尺餘性甚惠能牽馬銜燭云本生

博林國其後不供職貢貞觀四年其王文泰來朝伯雅
子後與西突厥連結諸國朝貢者路出高昌文泰稍
擁絕之至十三年太宗謂其使曰高昌數年來朝貢
脫略我使人至彼文泰云鷹飛于天雉竄于蒿猫遊
于堂鼠安于穴各得其所豈不快耶明年當發兵以
擊汝國十四年拜侯君集爲交河道大總管發兵討
之群臣諫以行萬里兵難得志且天界絕域雖得之
不可守不從文泰謂左右曰曩吾入朝見秦龍北城
邑蕭條非有隋比今伐我兵多則糧輸不逮若下三
萬我能制之度磧疲鈍以逸待勞卧收其弊耳及聞

王師至磧口。悸駭。他計。發病死。子智盛立。君集以兵傳其城。智盛降。乃下其郡三縣五城。三十二戶八千四十六口。萬七千七百三十馬四千三百匹。以其地爲西州。以交河城爲交河縣。始昌城爲天山縣。田北城爲柳中縣。東鎮城爲蒲昌縣。高昌城爲高昌縣。初西突厥遣其業護屯兵於可汗浮圖城。與高昌爲影響。至是懼而來降。以其地爲庭州。并置蒲類縣。每歲調內地更發千人鎮遏焉。黃門侍郎褚遂良諫曰。古者先函夏。後夷狄。務先德化。不爭荒遐。今高昌誅滅。威動四夷。然自王師始征河西。故後飛來轉芻。十

室九匱。五年未可復。今又歲遣屯戍。行李萬里去者。資裝使自營。辦賣菽粟。傾機杼。道路死亡。尚不可計。所遣罪人。始於犯法。終於惰業。無益行陣。復有亡命官司。捕逮株蔓。相牽有如張掖酒泉塵飛烽舉。豈得高昌一乘一卒及事乎。必發隴右河西耳。然則河西爲我腹心。高昌他人手足也。何必耗中華事無用。昔陛下平頡利吐谷渾。皆爲立君。蓋罪而誅之。服而立之。百蠻所以畏威慕德也。今宜擇高昌可立者立之。召首領悉還本土。長爲蕃翰。中國不復書奏。不省焉。者請歸高昌所奪五城。留兵以守。君集勒石紀功。凱

旋徙高昌豪傑於中國智盛拜左武衛將軍金城郡公弟智湛右武衛中郎將天山郡公麴氏傳國九世百三十四年而亡智湛麟德中以左驍衛大將軍爲西州刺史卒有子昭好有鬻異書者毋顧筭中金歎曰何愛此不使予有異聞乎盡持易之昭歷司膳卿頗能詞章弟崇裕有武藝永徽中爲右武衛翊府中郎將封交河郡王邑至三千戶終鎮軍大將軍武庫爲舉哀賻襚甚厚封爵遂絕安史之亂其地陷沒復自爲國語訛亦曰高敞然其地頗有回鶻故亦謂之回鶻宋建隆三年四月西州回鶻阿都督等四十

二人以方物來貢乾德三年西州回鶻可汗遣僧法淵獻佛牙琉璃器琥珀蓋太平興國六年其王始稱西州外生師子王阿厮蘭漢遣都督麥温來獻五月遣供奉官王延德等使高昌景德元年又遣使金延福來貢

王延德使還叙其行程來上云初自夏州歷玉亭鎮次歷黃羊度沙磧無水行人皆載水凡二日至都囉囉族漢使過者遺以財寶謂之打當次歷第女啞子族族臨黃河以羊皮爲囊吹氣實之浮於水或以橐駝牽木棧而渡次歷茅女王子開道族

行入六窠砂。砂深三尺。馬不能行。行者皆乘橐駝。不育五穀。砂中生草名登桐。收之以食。次歷樓子山。無居人行。砂磧中。以日爲占。旦則背日。暮則向日。日中則止。夕行望月。亦如之。歷卧梁。劾待族地。有都督山。唐回鶻之地。次歷大虫。太子族。族接契丹界。人衣尚錦繡。器用金銀。馬乳釀酒飲之。亦醉。次歷屋地。因族蓋達于于。越王子之子。次至達于。于。越王子族。此九族。達靺鞨中。猶尊者。次歷拽利王。子族。有合羅川。唐回鶻公主所居之地。城基尚在。有湯泉之地。傳云契丹舊爲回鶻牧牛。回鶻徙其

州契丹達靺鞨。遂各爭長。攻戰。次歷阿墩族。經馮綜山。望鄉嶺。上石庵。李陵題字處。次歷格囉。美源西方。百川所會。極望無際。鷗鷺鳧鴈之類。甚衆。次至托邊城。亦名李僕射城。城中首領號通天王。次歷小石州。次歷伊州。州將陳氏。其先自唐開元二年。領州。凡數十世。唐時詔敕尚在地。有野蠶。生苦參上。可爲錦帛。有羊尾重者三斤。小者一斤。肉如熊白。而甚美。又有礪石。剖之得寶鉄。謂之喫鉄石。又生胡桐樹。經雨卽生胡桐律。次歷益都。次歷納職城。在大患鬼魅磧之東南。望玉門關。甚近。無水草。

載糧以行。凡三日。至鬼谷口。避風驛。用本俗法。試
茶。出詔。押禦風。風乃息。凡八日。至驛田寺。高昌聞
使至。遣人來迎。次歷地名寶莊。又歷六鍾。乃至高
昌。卽西州也。其地南距于闐。西南距大食。波斯西
距西天。步露沙。雪山葱嶺。皆數千里地。無雨雪而
極熱。每盛暑。居人皆穿地爲穴。以處。飛鳥群萃。河
濱。或起飛。卽爲日氣所爍。墜而傷翼。屋宇覆以白
堊。開寶三年。雨及五寸。卽廬舍多壞。有水出金嶺。
導之。周繞國城。以溉田園。作水磴。地產五穀。惟無
蕎麥。貴人食馬。餘食羊及鳧。鴈。樂多琵琶。箏。篪。出

貂鼠。白羶。繡文花。藥布。俗好騎射。婦人戴油帽。謂
之蘇幕遮。用開元七年曆。以三月九日爲寒食。餘
二社。冬至亦然。以銀或鍮石爲筒。貯水。激以相射。
或以水交潑。爲戲。謂之壓陽氣。去病。好游賞。行者
必抱樂器。佛寺五十餘區。皆唐朝所賜額。寺中有
大藏經。唐韻。玉篇。經音等。居民春月多群聚。遊樂
於其間。游者馬上持弓矢。射諸物。謂之禳災。有勅
書數藏。唐太宗。明皇。御札。詔勅。緘鎖甚緊。復有摩
尼寺。波斯僧。各持其法。佛經所謂外道者也。所統
有南突厥。北突厥。大衆慰。小衆樣。磨割祿。點。曼司。

文獻通考 卷之三十三
永蠻格叟族。豫龍族之名甚衆。國中無貧民。絕食者共振之。人多壽考。率百餘歲。絕無夭歿。時四月師子王避暑於北庭。以其舅阿多干越守國。先遣人致意於延德曰。我王舅也。使者拜我乎。延德曰。禮持朝命來。禮不當拜。復問曰。見王拜乎。延德曰。禮亦不當拜。阿多干越復數日始相見。然其禮頗恭。師子王邀延德至其北庭。歷交河州。凡六日至金嶺口。寶貨所出。又兩日至漢家寨。又五日上金嶺。過嶺卽多雨雪。嶺上有龍堂。刻石記云。小雪山也。嶺上有積雪。行人服毛罽度嶺。一日至北庭。憇高

臺寺。其王烹羊并馬。以具膳。尤豐潔。地多馬。王及王后太子各養馬。牧放於平川中。彌亘百餘里。以毛色分別爲群。莫知其數。北庭川長廣數千里。鷹鷄鷓鴣之所生。多美草。下生花砂鼠。大如鸛鷺。禽捕食之。其王遣人來言。擇日以見使者。願平其淹久。至七日見其主王及王子侍者。皆東向拜。受賜。旁有持磬者。擊以節。拜主聞磬聲。乃拜。旣而王之兒女親屬。皆出羅拜。以受賜。遂張樂飲宴。爲優戲。至暮。明日泛舟於池中。池四面作鼓樂。又明日遊佛寺。曰應運泰寧之寺。貞觀十四年造。北庭北

山中出礪砂山中常有煙氣涌起而有雲霧至夕
光焰若炬火照見禽鼠皆赤采礪砂者著木底鞵
若皮爲底者卽焦下有穴生青泥出穴外卽變爲
砂石土人取以治皮城中多樓臺卉木人白晳端
正性工巧善冶金銀銅鐵爲器及攻玉善馬直絹
一疋其駑馬充食者纔直一丈貧者皆食肉西抵
安西卽唐之西境七月令延德先還其國其王九
月始至亦聞有契丹使來使缺唇以銀葉蔽之謂
其王云聞漢遣使入達靺鞨而道出王境誘王窺邊
宜早送至達靺鞨無使久留因云高敞本漢土漢使

來覘視封域將有異圖王當察之延德偵知其語
因謂王曰犬戎素不順中國今乃反聞我欲殺之
王固勸乃止自六年五月離京師七年四月至高
昌所歷以詔賜諸番君長鞵衣金帶繒帛八年春
與其謝恩使凡百餘人復循舊路而還雍熙元年
四月至京師延德初至達靺鞨之境頗見晉末陷虜
者之子孫咸相率遮迎獻飲食問其鄉里親戚意
甚悽感留旬日不得去延德之所述云

龜茲

龜茲一丘茲漢時通焉王治延城今名伊羅盧城都白山

龜茲

漢時通焉

今名伊

羅盧城

之南二百里

隋西域圖云白山一名阿羯山常有火及煙卽出礪砂之所

東去長

安七千五百里戶七千南與精絕東南與且末西南與杆彌北與烏孫西與姑墨接能冶鑄俗有城郭東至都護治所烏壘城四百里烏壘戶百十與都護同治其南三百里至渠犂東北與尉犂東南與且末南與精絕接昭帝田輸臺與渠犂地皆相連也晉武帝時其王遣子入侍惠懷永以中國亂遣使貢方物於張重華符堅堅遣其將呂光伐之其王白純拒境不降光進軍討平之立其後白震爲王其所居城方五六里城三重中有佛塔千所其刑法殺人者死劫賊

則斷其一臂并肘一足賦稅準地徵租無田者則稅銀風俗婚姻喪葬物產與焉耆略同唯氣候少溫爲異又出細氈饒銅鐵鉛麋皮氍毹沙鹽綠雌黃胡粉安息香良馬犂牛等東有輪臺卽漢李廣利所屠者其南三百里有大河東流號計戍水卽黃河也東去焉耆九百里南去于闐一千四百里西去疏勒一千五百里北去突厥千六百里東南去瓜州三百里其東關城屯寇竊非一魏太武詔將軍萬度歸率騎一千以擊之龜茲遣烏羯目提等領兵三千拒戰度歸擊斬之斬二百餘級大獲駝馬而還俗性多爲置女

市收男子鐵以入官土多孔雀祥飛山谷間人取而食之孳乳如鷄鶩其王家恒有千餘隻云其國西北大山中有如膏者流出成川行數里入地狀如餽餉甚臭服之齒髮已落者能令更生癘人服之皆愈自後每使朝貢周保定元年其王遣使來獻隋大業中其王白蘇尼咂遣使朝貢方物是時其國勝兵可數千人唐高祖受禪其王遣使入貢貞觀四年獻馬帝賜璽書撫慰後臣西突厥郭孝恪伐焉耆乃遣兵與焉耆影援自是不朝貢二十一年兩遣使入朝貢帝怒其佐焉耆叛乃以阿史那社爾爲崑丘道行軍大

將軍部兵十萬討之社爾凡破五大城俘男女數萬遣使者諭降小城七百餘西域震懼社爾乃立王弟葉護王其國勒石紀功始從安西都護於其都統于闐碎葉疎勒號四鎮高宗復封訶黎布失畢爲龜茲王與其降王還國後爲降王所拒復發兵討誅之以其地爲龜茲都督府更立子素稽爲王是歲徙安西都護於其國以故安西爲西州都督府治儀鳳時吐蕃攻焉耆以西四鎮皆沒長壽元年武威道總管王孝傑破吐蕃復四鎮地置安西都護府於龜茲以兵三萬鎮守於是沙磧荒絕民供貲糧甚苦議者請棄

之武后不聽都護以政績稱者田揚名郭元振張孝
嵩杜暹云開元七年王白莫苾歿子多布立改名孝
節十八年遣弟孝義來朝自龜茲羸六百里踰小沙
磧有跋祿迦小國也一曰亟墨卽漢姑墨國橫六百
里縱三百里風俗文字與龜茲同言語少異出細氈
褐西三百里度石磧至凌山葱嶺北原也水東流春
夏山谷積雪西北五百里至素葉木城北國商胡雜
居素葉以西數十城皆立君長後屬突厥自素葉水
城至羯霜那國衣氈褐皮氈以繒繚額素葉城西四
百里至干泉地羸二百里南雪山三垂平

在多泉池因
名之突厥可

汗歲避暑其中群羆鹿餽鈴環可狎也西羸百里至
咀邏私城亦彼國商胡雜居有小城三百本華人爲
突厥所掠群保此尚華語南羸二百里至泉城原隰
膏腴南五十里有斂赤建國廣千里地沃宜稼多蒲
萄又二百里卽石國宋太中祥符三年龜茲王可汗
遣使貢方物天禧四年又入貢自天聖至景祐四年
龜茲入貢者五最後賜以佛經一藏其國主自稱師
子王衣黃寶冠與宰相九人同治國事其國西至至
大食國六十日行東至夏州九十日行或稱西州回
鶻或稱西州龜茲或稱龜茲回鶻熙寧四年五年俱

文獻通考 卷之三十三 五
入貢。紹聖三年，使大首領阿連、撒羅等三人以表章及玉佛至洮西。熙河經畧使以其罕通使，請令於熙、秦等州博買，而估所賫物價，答賜遣還。從之。

西且彌國。王治天山東于大谷，在車師北。本屬後車師，去長安八千六百七十里。戶三百三十二口。千九百二十六。勝兵七百八十三人。西且彌侯左右將左右騎軍各一人。西南至都護治所四百八十里。東且彌國王治天山東兌虛谷，去長安八千二百五十里。戶百九十一口。千九百八十四。勝兵五百七十二。

人。東且彌侯左右都尉各一人。西南至都護治所千五百八十七里。

焉耆


焉耆。漢時通焉。王治負渠城，在白山之南七十里。去長安七千三百里。戶四千。西南都護治所四百里。南去尉犁百里。北與烏孫接。東去交河城。唐郡九百里。西去龜茲九百里。皆沙磧。其國近海，水多魚鹽。蒲葦之利。四面有大山，道險阨，易守。海水曲入四山之內。周匝其城三十餘里。後漢明帝永平末，有戶萬五千。與歸茲共攻沒都護陳睦。至和帝永光六年，都護班

超發諸國兵討之。殺其主超，乃立焉耆左侯元孟爲王。至安帝時，西域背叛。延光中，超子勇爲西域長史，復討定之。晉武帝太康中，其王龍安遣子入侍。安夫人檜古胡之子，邁反妊身十二月，剖脇生子曰會，立爲世子。會少而勇傑。安病篤，謂會曰：我嘗爲龜茲王，**白山**所辱，汝能雪之，乃吾子也。及會立，襲滅**白山**，遂據其國，遣子熙歸本國爲王。會有膽氣，籌略遂霸西域。葱嶺以東，莫不率服。其俗丈夫剪髮，婦人衣襦著大褲，婚姻同華夷。兵有弓刀甲稍，死亡者皆焚而後葬。其服制滿七日則除之。俗事天神，氣候寒，土田良沃。

穀有稻粟菽麥，畜有駝馬牛羊，養蠶不以爲絲。唯取績綿，俗尚蒲萄酒，兼愛音樂。其後張駿沙州刺史，楊宣率衆經理西域，宣以部將張植爲前鋒。軍次其國，進屯鐵門，未至十餘里，熙又率衆先要之於遮留谷。植將至，或曰：漢祖畏於栢人，岑彭歿於彭亡，谷名遮留，殆將有伏。單騎嘗之，果有伏發，植擊敗之。進據尉犁，熙降于宣。呂光僭位，熙遣子入侍。至魏，遣成周公萬度歸討之。其王尸鳩卑那衆大潰，單騎走入山中。度歸進屠其城，四部諸戎皆降服。焉耆爲國斗絕一隅，不亂日久，獲其珍奇異玩，殊方詭譎難名之物。

橐駝馬牛雜畜鉅萬。至後周武帝保定四年。其王遣使獻名馬。隋煬帝大業中。其王龍突厥遣使貢方物。唐貞觀六年。龍突騎遣使來朝。自隋亂磧路閉。故西域朝貢皆道高昌。突騎支請開大磧道。以便行人。帝許之。高昌怒。大掠其邊。西突厥復攻之。與高昌陷其五城。掠千五百人。焚廬舍。遣使言狀。詔侯君集討高昌。突騎支引兵佐唐。高昌破。歸向所俘及城。遣使入謝。其後與西突厥相約為輔車勢。不朝貢。乃命安西都護郭孝恪討之。傳其城。執突厥支。更以粟婆準攝國事。後其從兄薛婆阿那支自為王。執粟婆準獻龜

茲殺之。阿史那社爾討龜茲。擒阿那支。斬以徇。立突厥支弟婆伽利為王。以其地為焉耆都督府。婆伽利歿。國王請還前王突騎支。許之。歸國死。龍嬾突立。開元七年。龍嬾突歿。吐拂延立。訖天寶常朝貢。其後盡并有。漢時尉犁危須山國。三國之地。并鄯善之北界矣。



文獻通考卷之二百三十六

終

卷之三十三
三十三
三十三

突之。高昌怒大掠其邊。西突厥復攻之。與高昌陷其
并育。與報。操。卒。武。取。山。國。二。國。之。此。其。善。之。此。界
示。十。半。歸。賊。突。及。出。其。立。請。天。寶。常。時。貢。其。餘。盡
及。國。王。請。數。節。王。突。襲。支。精。之。龜。國。取。歸。賊。突。立。開
飛。支。與。突。賊。匪。為。王。以。其。此。為。無。音。清。管。保。嬰。賊。匪
茲。餘。之。何。史。派。赴。爾。信。龜。茲。餘。何。派。支。博。以。師。立。突

